





石倉十二代詩選 明次集卷八十九

陽明集

大明

餘姚王守仁著

後學曹學佺閱

山中立秋日偶書

風吹蟬聲亂林卧驚新秋山池靜澄碧暑氣亦  
已收青峰出白雲突兀成瓊樓袒裼坐溪石對  
之心悠悠倏忽無定態變化不可求浩然發長

嘯忽起雙白鷗

夜雨山翁家偶書



山空秋夜靜月明松檜涼沿溪步月色溪影搖  
空蒼山翁隔水語酒熟呼我嘗褰衣涉溪去笑  
引開竹房致詞值暮夜盤餐百無將露華明橘  
柚摘獻水盤香洗盞對酬酢浩歌入蒼茫醉拂  
巖石卧言歸遂相忘

登泰山

曉登泰山道行行入煙霏陽光透巖壑秋容淡  
相輝雲梯掛青壁仰見蛛絲微長風吹海色飄  
颻送天衣峰頂動笙樂青童兩相依振衣將往

從凌雲忽高飛揮手若相待丹霞閃餘暉凡軀  
無健羽悵望未能歸

自題其二

其言曰世間事無一不空

天門何崔嵬下見青雲浮泱泱絕人世迥豁高  
天秋暝色從地起夜宿空明樓天鷄鳴半夜日  
出東海頭隱約蓬壺樹縹緲扶桑洲浩歌落青  
冥遺響入滄流唐虞變楚漢滅沒如風漚藐矣  
崔山仙秦皇豈堪求金砂費日月顏顏竟難留  
吾意在龐古冷然馭涼颼相期廣成子太虛顯



歷代詩選 明王陽明  
二  
遊遊枯槁向巖谷黃綺不足儔

不寐

天寒歲云暮冰雪關河迥幽室颺颺生不寐知  
夜永驚風起林木驟若波浪洶我心良匪石詎  
爲休戚動迢迢眼前事逝者去相踵厓窮猶可  
陟水深猶可泳焉知非日月胡爲亂予衷深谷  
自逶迤煙霞日堪弄在賢達歸哉盍耕隴  
無對見月望未始  
屋罅見明月還見地上霜客子夜中起旁皇滄

沾裳匪爲嚴霜苦悲此明月光月光如流水徘徊照高堂胡爲此幽室奄忽踰飛揚逝者不可及來者猶可望盈虛有天運嘆息何能忘

屋罅月

幽室不知年夜長晝苦短但見屋中月清光自  
虧滿佳人宴清夜繁絲激哀管朱閣出浮雲高  
歌正淒惋寧知幽室婦中夜獨愁嘆良人事游  
俠經歲去不返來歸在何時年華忽將晚蕭條  
念宗祀淚下長如霰



答汪抑之

去國心已恫別子意彌惻伊邇怨昕夕况茲萬  
里隔戀戀岐路間執手何能默子有昆弟居而  
我遠親側回思菽水歡羨子何由得知子念我  
深夙夜敢忘惕良心忠信資蠻貊非我戚

其二

北風春尚號浮雲正南馳風雲一相失各在天  
一涯客子懷往路起視明星稀驅車赴長阪迢  
迢入嵐霏旅宿蒼山底霧雨昏朝彌間關不足

道嗟此白日微切磋懷良友願言母心違

其三

聞子賦茅屋來歸在何年索居間楚越連峰鬱  
參天緬懷岩中隱磴道窮攀緣江雲動蒼壁山  
月流澄川朝采石上芝暮漱松間泉鵞湖有前  
約鹿洞多遺編寄子春鴻書待我秋江船

一日懷抑之也抑之之贈既嘗答以三詩  
意若有歎焉是以賦也

一日復一日去子日以遠惠我金石言沈鬱未



能展人生各有際道誼尤所眷常嗤兒女悲憂  
來仍不免緬懷滄洲期聊以慰遲晚

其二

遲晚不足嘆人命各有常相思忽萬里河山鬱  
蒼蒼中夜不能寐起視江月光中情良自抑美  
人難自忘

其三

美人隔江水彷彿若可覩風吹蒹葭雪飄蕩知  
何處美人有瑤瑟清奏含太古高樓明月夜惆

悵爲誰鼓

涉湘于邁嶽麓是遵仰止先哲因懷友生

魚目交麗澤興感伐木寄言一首

客行長沙道山川鬱稠繆西探指嶽麓凌晨渡  
湘流踰岡復陟巘弔古還尋幽林壑有餘采昔  
賢此藏脩我來寔仰止匪伊事盤遊衡雲閒曉  
望洞野浮春洲懷我二三友伐木增離憂何當

此來聚道誼日相求

次韻答趙太守王推官



詰朝事虔謁玄居宿齋沐積霖喜新霽風日散  
清燠蘭橈渡芳渚半涉見水陸溪山儼新宇雷  
雨荒大麓皇皇茲誦區斯文昔炳郁興廢尚屯  
疑使我懷悱懊近聞牧守賢經營亟乘屋方舟  
爲余來飛蓋遙肅肅花絮媚晚筵韶景正柔淑  
浴沂諒同情及茲授春服令德倡高祠混珠愧  
魚目努力崇脩名迂踈自岩谷

去婦歎

委身奉箕箒中道成棄捐蒼蠅間白壁君心亦

何慙獨嗟貧家女素質難爲妍命薄良自喟敢  
忘君子賢春華不再艷頽魄無重圓新歡莫終  
特令儀慎周旋

其二三蓄蓄意千端命卒非悲憫用盡望門

依違出門去欲行復遲遲隣姬盡出別強語含  
辛悲陋質容有繆放逐理則宜姑老藉相慰缺  
乏多所資妾行長已矣會面當無時

其三四蓄蓄意千端命卒非悲憫用盡望門

妾命如草芥君心比琅玕柰何以妾故廢食懷



歷代詩選 明王陽明 卷之九  
憤寃無爲傷姑意燕爾且爲歡中厨存宿旨爲  
姑備朝餐蓄育意千緒倉卒徒悲酸伊邇望門  
屏盍從新人言夫意已如此妾還當誰顏

其四

去矣勿復道已去還躊躇雞鳴尚聞響犬戀猶  
相隨感此摧肺肝淚下不可揮岡回行漸遠日  
落羣鳥飛羣鳥各有托孤妾去何之

其五

空谷多凄風樹木何蕭森浣衣澗水合採苓山

雪深離居寄岩穴憂思托鳴琴朝彈別鶴操暮  
彈孤鴻吟彈苦思彌切噴吮隔雲岑君聰甚明  
哲何幸聞此音

初至龍場無所止結茅菴居之

草菴不及肩旅倦體方適開棘自成籬土階漫  
無級迎風亦蕭疎漏雨煩補葺靈瀨響朝湍深  
林疑暮色羣徐環聚訊語麗意頗質鹿豕且同  
遊茲類猶人屬汗樽映瓦豆盡醉不知夕緬懷  
黃唐化畧稱茅茨迹



始得東洞遂改爲陽明小洞天三首

古洞闕荒僻虛設疑相待披萊歷風磴移居喜  
幽壇營炊就崑竇放榻依石壘穹室旋薰塞何  
坎仍掃洒卷帙漫堆列樽壺動光彩夷居信何  
陋恬淡意方在豈不桑梓懷素位聊無悔  
童僕自相語洞居頗不惡人力免結構天巧謝  
雕鑿清泉傍厨下翠霧還成幕我輩日嬉偃主  
人自愉樂雖無棨戟榮且遠塵囂聒但恐霜雪  
凝雲深衣絮薄

我聞筦爾笑周慮愧爾言上古處巢窟杯飲皆  
汗樽洎極陽內伏石穴多冬暄豹隱文始澤龍  
螫身乃存豈無數尺椽輕裘吾不溫邈矣單瓢  
于此心期與論

謫居糧絕請學于農將田南山永言寄懷  
謫居屢在陳從者有愠見山荒聊可田錢鏹還  
易辦夷俗多火耕放習亦頗便及茲春未深數  
畝猶足佃豈徒實口腹且以理荒宴遺穗及鳥  
雀貧寡發餘羨持耒在明晨山寒易霜霰



猗猗

猗猗澗邊竹青青岩畔松直幹歷冰雪密葉留  
清風自期永相託雲壑無違蹤如何兩分植  
憔悴嘆西東人事多翻覆有如道上蓬惟應歲寒  
意隨處還當同

南溟

南溟有瑞鳥東海有靈禽飛遊集上苑結侶珍  
樹林願言飾羽儀共舞簫韶音風雲忽中變一  
失難相尋瑞鳥旣遭縻靈禽投荒岑天衢雨雪

積江漢虞羅侵哀哀鳴索侶病翼飛未任羣鳥  
亦千百誰當會其心南嶽有竹實丹溜青松陰  
何時共棲息永托雲泉深

溪水

溪石何落落溪水何泠泠坐石弄溪水欣然濯  
我纓溪水清見底照我白髮生年華若流水一  
去無回停悠悠百年內吾道終何成

木石龍岡新構

謫居聊假息荒穢亦須治鑿巖薙林條小構自



成趣開窗人遠峰架屏出深樹墟寨俯逶迤竹  
木互蒙翳畦蔬稍溉鋤花藥頗雜蒔宴適豈專  
予來者得全憩輪奐匪致美母令易傾敝

其二

營茅乘田隙洽旬稱苟完初心待風雨落成還  
美觀鋤荒旣開徑拓樊亦理園低簷避松偃踈  
土行竹根勿剪牆下棘束列因可藩莫損林間  
蘿蒙龍覆雲軒素昧農圃學因茲得深論母爲  
輕鄙事吾道固斯存

西園

方園不盈畝蔬卉頗成列分溪免甕灌補籬防  
豕躡蕪草稍焚薙清雨夜來歇濯濯新葉敷熒  
熒夜花發放鋤息重陰舊書漫披閱倦枕竹下  
石醒望松間月起來步閒謠晚酌簷間設酣時  
藉草眠忘與隣翁別

水濱洞

送遠憩岨谷濯纓俯清流沿溪涉危石曲洞藏  
深幽花靜馥常閱溜暗光亦浮平生泉石好所



遇成淹留好鳥忽雙下  
儵魚亦羣遊坐久塵慮  
息澹然與道謀

山石

山石猶有理山木猶有枝  
人生非木石別久寧  
無思愁來步前庭仰視行雲馳  
行雲隨長風飄飄去何之行雲  
有時定遊子無還期  
高粱始歸燕鴉鳩已先悲  
有生豈不苦逝者長如斯已矣  
復何事商山行采芝

無寐二首

煙燈暖無寐憂思坐長往  
寒風振喬林葉落聞  
窗響起窺庭月光山空遊罔象  
懷人阻積雪崖冰幾千丈

窮厓多雜樹上與青冥連  
穿雲下飛瀑誰能識  
其源但聞清猿嘯時見皓鶴翻  
中有避世士冥寂  
栖其巔繫予亦同調  
路絕難攀緣

諸生夜坐

謫居澹虛寂眇然懷同遊  
日入山氣夕孤亭俯  
平疇草際見數騎取徑如相求  
漸近識顏面隔



樹停鳴騶投轡雁鶩進携榼各有羞分席夜堂  
坐絳蠟酒樽浮鳴琴復散帙壺矢交觥籌夜弄  
溪上月曉陟林間丘村翁或招飲洞客偕探幽  
講習有真樂談笑無俗流緬懷風沂興千載相  
爲謀

艾草次胡少叅韻

艾草莫艾蘭蘭有芬芳姿况生幽谷底不礙君  
稻畦艾之亦何益徒令香氣裛荆棘生滿道出  
刺傷人肌持刀忌觸手睨視不敢揮艾草須艾

棘勿爲棘所欺

鸚鵡和胡韻

鸚鵡生隴西羣飛恣鳴遊何意虞羅及充貢來  
中州金縷縻華屋雲泉謝林丘能言寔階禍吞  
聲亦何求主人有隱寇竊發聞其謀感君惠養  
德一語思所酬惧君不見察殺身反爲仇

遊來仙洞早發道中

霜風清木葉秋意生蕭疎衝星策曉騎幽事將  
有徂股蟲亂飛擲道狹草露濡傾暑特晨發征



夫已先途浙米石間溜炊火崑中廬煙峰上初  
日林鳥相嚶呼意欣物情適戰勝癯色腹行樂  
信宇宙富貴非良圖

別友

幽尋意方結柰此世累牽凌晨驅馬別持杯且  
爲傳相求苦非遠山路多風煙所貴明哲士秉  
道非苟全去矣崇令德吾亦行歸田

贈黃太守澍

歲宴鄉思切客人親舊踈卧病開空院忽來故

人車入門辯眉宇喜定還驚吁遠行亦安適符  
竹膺新除荒郡號難理况茲征索餘君才素通  
敏窘劇宜有紆蠻鄉雖瘴毒逐客猶安居經濟  
非復事時還理殘書山泉足遊憩鹿麋能友余  
澹然穹壤內容膝皆吾廬惟縈垂白念旦夕懷  
歸圖君行勉三事吾計終五湖

秋夜

樹暝栖翼喧螢飛夜堂靜遙穹出晴月低簷入  
峰影窅然坐幽獨怵爾抱深警年徂道無聞心



違迹未屏蕭瑟中林秋雲凝松桂冷山泉豈無  
適離人懷故境安得駕雲鴻高飛越南景

別湛甘泉

行子朝欲發驅車不得畱逶迤不長坂顧見城  
東樓遠別情已慘况此艱難秋分手訣河梁對  
下不可收車行望漸昏飛埃越層丘遲回岐路  
側孰知我心憂

四明觀白水

邑南富岩壑白水尤奇觀興來每思往十年就

茲歡停騶指絕壁涉澗緣危蟠百源旱方歇雲  
際猶飛湍霏霏灑林薄漠漠凝風寒前聞若未  
愜仰視終莫攀石陰暑氣薄流觸迴瀾茲遊  
詎盤樂養靜意所關逝者諒如斯哀此歲月殘

書杖錫寺

杖錫青冥端澗壁環天險垂岩下陡壑涉水攀  
絕巘硯深聽喧瀑路絕駭危棧捫蘿登峻極披  
翳見平衍僧逋寄孤衲守廢遺荒殿傷茲窮僻  
墟曾未誅求免探幽冀累息憤時翻意慘拯援



才已踈棲遲心益眷哀猿嘯春嶂懸燈宿西崦  
誅茅竟何時白雲愧舒卷

送蔡希岩

風雪蔽曠野百鳥凍不翻孤鴻亦何事噉噉遡  
寒雲豈伊稻梁計獨往求其羣之子眇萬鐘就  
我淞水濱野寺同遊請春山共攀援鳥鳴幽谷  
曙伐木西澗矐清夜湛玄思晴窗玩奇文寂景  
賞新晤微言欣有聞寥寥絕代下此意冀可論

其二

羣鳥喧北林黃鵠獨南逝北林豈無枝羅弋苦  
難避之子丹霞姿辭我雲門去山空響流泉路  
僻迷深樹長谷何盤紆紫芝春可茹求志暫栖  
岩避喧寧遯世繁予辱風塵送子愧雲霧在時  
已無術希聖徒有慕倘入陽明峰爲尋舊栖處  
鄭伯興謝病還鹿門雪夜過別賦贈

之子將去遠雪夜來相尋秉燭耿無寐憐此歲  
寒心歲寒豈徒爾何以贈遠行聖路塞已久千  
載無復尋豈無羣儒迹蹊逕榛茅深濬流須尋



源積土成高岑攬衣望遠道請君從此征

遊牛首山

春尋指天闕煙霞眇何許雙峰久相違千崑來  
舊主浮雲刺中天飛閣凌風雨探秀澗阿入蘿  
陰息篁筥滅迹避塵纓清朝入深阻風磴仰捫  
歷淙壑屢窺俯梯雲躋石閣下榻得吾所釋子  
上方候鳴鐘出延佇頽景耀回盼層厖翼輕舉  
曖曖林芳暮泠泠石泉語清宵耿無寐峰厓开  
煙宇會晤得良朋可以寄心腑

青原山次黃山谷韻

咨觀歷州郡驅馳倦風埃名山特乘暇林壑盤  
縈廻雲石緣欹徑夏木深層隈仰窮嵐霏際始  
覩臺殿開衣傳西竺舊構遺唐宋材風松溪溜  
急湍響空山哀妙香隱玄洞僧屋懸穹崖攀依  
儼龍象陟降臨緯階飛泉瀉靈竇曲檻連雲棧  
我來慨遺迹勝事多漣埋邈矣西方教流傳徧  
中垓如何皇極化反使吾人猜剝陽幸未絕生  
意存枯筴傷心眼底事莫負生前杯煙霞有本



性山水乞歸骸崎嶇羊腸坂車輪幾傾摧蕭散  
麋鹿伴澗谷終追陪恬愉返真澹闕寂辭喧逐  
至樂發天籟絲竹謝淫哇千古自同調豈必時  
代偕球重二三子茲遊非偶來且從山叟宿勿  
受役夫催東峰上煙月夜景方徘徊  
湖山久繫念塊處限形迹遙望一水間十年靡  
由卽軍旅起衰廢驅馳豈遑息前旌導回岡取  
捷上崎側新構鬱層椒石門轉深寂是時霜始

秋日飲月崑新構別王侍郎

降風淒羣卉圻壑靜響江聲窗虛涵海色夕陰  
下西岑涼月穿東壁觀風此餘情撫景見高臆  
匪從羣公餞何因得良覲南徼方如燬救焚敢  
辭亟來歸幸有期終遂幽尋僻

登小孤書壁

人言小孤殊阻絕從來可望不可攀上有顛厓  
勢欲墮下有劔石交巉頑峽風閃壁船難進洪  
濤春撞蛟龍關帆檣摧縮不敢越往往退次依  
前山崖傍沙岬日東徙忽成巨浸通西灣帝心



似憫舟楫苦神斧夜闢無痕斑風雷倏翕見萬  
怪人謀不得容其間我來銳意欲一往小舟微  
服沿回瀾側身脇息仰天竇懸空絕棧蛛絲慳  
風吹卯酒眼花落凍滑丹梯足力孱青鼉吹雨  
出仍沒白鳥避客來復還峰頭四顧盡落日宛  
然風景如瀛寰煙霞未覺三山遠塵土聊乘半  
日閒奇觀江海詎爲險世情平地猶多艱嗚呼  
世情平地猶多艱回瞻北極雙淚潺

廬山東林寺次韻

東林日暮更登山峰頂高僧有蘭若雲羅磴道  
石參差水聲深澗樹高下遠公學佛却援儒淵  
明嗜酒不入社我亦愛山仍戀官同是乾坤避  
人者我歌白雪聽何寡山自點頭泉自瀉月明  
壑底忽驚雷夜半天風吹屋瓦

又次二泉韻

昨遊開先殊草草今日東林遊始好手持蒼竹  
撥層雲直上青天招五老萬壑笙竽松籟哀千  
峰掩映芙蓉開坐俯西岩窺落日風吹孤月江



東來莫向人間空  
白首富貴何如一  
杯酒種蓮栽菊兩  
荒涼惠遠陶潛骨  
何朽乘風我欲還  
金庭三洲弱水連  
沙汀他年海上望  
廬頂煙際浮萍一  
點青

江上望九華不見  
五旬三過九華山  
一度陰寒一度雨  
比來天色稍晴明  
忽復昏霾起亭午  
平生山水最多緣  
獨此相逢容有數  
人言此山天所秘  
山下居人常睹蓬  
萊涉海或可求瑤  
水崑崙俱舊遊洞  
庭

何止吞八九五嶽  
曾向囊中收不信  
開雲掃六合手扶  
赤日照九州駕風  
騎氣覽八極視此  
瑣屑真浮漚

遊九華道中芙蓉  
直前青天殊爾風  
陶

微雨山路滑山行  
入輕舟桃花夾岸  
迷遠近迴巒疊嶂  
盤深幽奇峰應接  
勞回首瞻之在前  
忽在後不道舟行  
轉屈曲但怪青山  
亦奔走薄午雨霽  
雲始開青鞋布襪  
無塵埃梅蹊柳徑  
度村落長松白石  
穿林隈始攀風磴  
出林杪更俯懸



崖聽瀑雷亂山高頂藏平野茅屋高低自成社  
此中那得有人家恐是當年避秦者西巖日色  
漸欲下且向前林秣吾馬世途濁溢不可居吾  
將此地營蘭若  
芙蓉閣  
九華之山何崔嵬芙蓉直傍青天栽剛風倒海  
吹不動大雪裂地凍還開夜半峰頭挂明月宛  
如玉女臨粧臺我拂滄浪寫圖畫題詩還愧謫  
仙才

送邵文實方伯致仕

君不見耨下雞引類呼羣啄且啼稻梁已足脂  
漸肥毛羽脫落充庖廚又不見籠中鶴歛翼垂  
頭困牢落籠開一旦入層雲萬里翱翔縱寥廓  
人生山水須認真胡爲利祿纏其身高車駟馬  
盡桎梏雲臺靈閣俱埃塵鴟夷抱恨浮江水何  
似乘舟逃海濱舜水龍山余舊宅讓公且作煙  
霞伯拂衣便擬逐公回爲余先掃峰頭石

遊嶽麓書事



醴陵西來涉湘水信宿江城阻風雨不惟病齒  
畏風濕泥潦侵途絕行旅人言嶽麓最形勝隔  
水溟濛隱雲霧趙侯需晴邀我遊故人徐陳各  
傳語周生好事屢相期森森雨脚何由住曉來  
陰翳稍披拂便携周生涉江去戒令休遣府中  
知徒爾勞人更妨務橘洲僧寺浮江流鳴鐘出  
延立沙滸停橈一至答其情三洲連綿亦佳處  
行雲散漫浮日色是時峰巒益開吐亂流蕩槩  
濟倏忽繫楫江邊老檀樹岼行里許入麓口周

生導余勤指顧柳蹊梅堤存彷彿道林林壑恒  
如故赤沙想像虛田中西嶼傾頽今冢墓道鄉  
荒址畱突兀赫曦遠望石如鼓殿堂釋菜禮從  
宜下拜朱張息游所鑿石開山面勢改雙峰闢  
闕見江渚一時賓主云盡興樂闋觴周日將暮  
入舟暝色漸微茫却喜順流還易渡巖城燈火  
人已稀小巷曲折忘歸路仙宮酣倦成熟寐曉  
聞簷聲復如注昨遊偶遂寔天假信知行樂皆  
有數涉躐差償夙好心尚有名山敢多慕齒角



歷代詩選 明正陽明  
七  
虧盈分則然行李雖淹吾不惡

滁陽別諸友

滁之水入江流江潮日復來  
滁州相思若潮水來往何時休  
空相思亦何益欲慰相思情不如  
崇令德掘地見泉水隨處無弗得  
何必驅馳爲千里遠相卽君不見  
堯羨與舜牆孔距對面那相識  
逆旅主人多殷勤出門轉盼成路人

夜宿無相寺

春宵卧無相月照五溪花  
掬水洗雙眼披雲看

九華巖頭金佛國樹杪謫仙家  
彷彿聞笙竽青

天落絳霞

九華山李白祠

千古人豪去空山尚有祠  
竹深荒舊徑蘚合失

殘碑雲雨羅文藻溪泉繫夢思  
老僧殊未解猶

自索題詩

憶龍泉山

我愛龍泉寺寺僧頗踈野  
盡日坐井欄有時卧

松下一夕別山雲三年走車馬  
愧殺岩下泉朝







其二

洞庭何渺茫，衡嶽何崔嵬。  
風飄迴雁雪，美人歸未歸。  
我有紫瑜珮，留挂芙蓉臺。  
下視蛟龍峽，往來興雲雷。

淑浦山夜泊

淑浦山邊泊，雲間見驛樓。  
灘聲迴遠樹，崖影落中流。  
柳放新年綠，人歸隔歲舟。  
客途時極目，天北暮陰愁。

古道

古道當長坂，肩輿入暮天。  
蒼茫聞驛鼓，冷落見炊煙。  
凍燭寒無焰，泥爐濕未然。  
正思江檻外，閒却釣魚船。

立春日道中短述

臘意中宵盡，春容傍曉生。  
野塘冰轉綠，江寺雪消晴。  
農事沾泥犢，羈懷聽谷鶯。  
故山梅正發，誰寄欲歸情。

公館午飯偶書

行臺依獨寺，僧屋自成隣。  
殿古疑殘雪，牆低入



早春巷泥晴淖馬簷日暖堪人雲散前岩碧松  
梢挂月新

寄隱崑

每逢山水地便有卜居心終歲風塵裏何  
海陰洞寒泉滴細花暝石房深青壁須留姓他  
時好共尋日

香山次韻

尋山到山寺得意却忘山崑樹坐來靜壁蘿春  
自閒樓臺星斗上鐘磬翠微間頓息寰塵念清

溪踏月還

不還顛

積雨零都道山途喜乍晴溪流遲渡馬岡樹隱  
前旌野屋多移竈窮苗尚阻兵迎趨勤父老無  
補愧巡行

通天崑

青山隨地佳豈必故園好但得此身閒塵寰亦  
蓬島西林日初暮明月來何早醉卧石牀涼洞  
雲秋未掃



圓明洞次謙之韻

羣山走波浪出沒龍蛇脊  
崑棲寄盤渦沈淪遂成癖  
我來汲東溟爛煮南山石  
千年熟一炊欲餉崑中客

將遊九華移舟宿寺山

逢山未愜意落日更移船  
峽寺緣溪徑雲林帶石泉  
鐘聲先度嶺月色已浮川  
今夜崑房宿寒燈不待懸

西安雨中諸生出候因寄德洪汝中并示

幾度西安道江聲暮雨時  
機心鷗鳥識踪跡水雲疑  
仗鉞非吾事傳經愧爾師  
天真泉石秀新有鹿門期

德洪汝中方卜書院盛稱天真之奇并寄

不踏天真路依稀二十年  
石門深竹逕蒼峽瀉雲泉  
洋壁環胥海龜疇見宋田  
文明原有象卜築豈無緣



九華山下夜泊

維舟谷口傍煙霏共說前岡石徑微竹杖穿雲  
尋寺去藤庄採藥帶花歸諸生晚佩聯芳杜野  
老春霞綴衲衣風詠不須沂水上碧山明月更  
清輝

祈雨

見說虔南惟苦雨深山毒霧長陰陰我來偏遇  
一春旱誰解挽回三日霖寇盜柳陽方出掠干  
戈塞北還相尋憂民無計淚空墮謝病幾時歸

海濤

借山亭

借山亭子近如何乘興時從夢裏過尚想清池  
環醉影猶疑花徑駐鳴珂踈簾細雨燈前局碧  
樹涼風月下歌傳語諸公合頻賞休令歲月易  
蹉跎

次陳惟濬韻

環山落木正秋聲獨上高峰望眼明樹色遙連  
閩嶠碧江流不盡楚天青羣中想見雙龍轉風



歷代詩選 明王陽明 卷七  
外時傳一笛橫莫遣新愁添白髮且呼明月醉  
沈觥

棲禪寺雨中與惟乾同登

絕頂深泥冒雨攀天于佳景亦多怪自憐久客  
頻移棹頗羨高僧獨閉關江草遠連雲夢澤楚  
雲長斷九疑山年來出處渾無定慚愧沙鷗盡  
日間

再至陽明別洞和邢太守韻

春山隨處欵歸程古洞幽虛道意生澗壑風泉

時遠近石門蘿月自分明林僧住久炊遺火野  
老忘機罷席爭習靜未緣成久坐却慚塵土逐  
虛名

書草萍驛

時九月  
獻俘

餘詩昔年曾共載

一戰功成未足奇親征消息尚堪危邊烽西北  
方傳警民力東南已告疲萬里秋風嘶甲馬千  
山斜日度旌旗小臣何爾驅馳急欲請回鑾罷

六師

西湖

歷代詩選

月正易月

次集卷八十九

十八

心



靈鷲高林暑氣清  
竺天岩壁雨痕晴  
客來湖上逢雲起  
僧聚峰頭話月明  
世路久知難直道  
此身那得尚虛名  
移家早定孤山計  
種果支茅却易成  
警吳丈東南已吉  
處萬里林風德甲  
無干一輝宿淨寺  
吳古懸掛水息尚  
對京數秋西北  
老屋深松覆古藤  
羈棲猶記昔年曾  
棋聲竹裏消閒晝  
藥罨窗前對病僧  
煙艇避人長曉出  
高峰遠望亦時登  
而今更是多牽繫  
欲似當時又不能

非前泊金山寺

但過金山便一登  
鳴鐘出迓每勞僧  
雲濤石壁深龍窟  
風雨樓臺迥佛燈  
難後詩懷全欲減  
酒邊孤興尚堪憑  
崑梯未用妨苔滑  
曾踏天峰雪棧冰

舟夜

隨處看山一葉舟  
夜深霜月亦兼愁  
翠華此際遊何地  
畫角中宵起戍樓  
甲馬尚屯淮海北  
旌旗初散楚江頭  
洪濤滾滾乘風勢  
容易開帆不



易收

阻風

冬江盡說風長北但我北來風便南未必天公  
真有意却逢人事偶相參殘農得暖堪登穫破  
屋多寒且曝簷果使困窮能稍濟不妨經月阻  
江潭

望廬山

盡說廬山若箇奇當時圖畫亦堪疑九江風浪  
非前日五老煙雲豈定期眼慣不妨層壁險足

趺須着短筇隨香爐瀑布微如綫欲決天河瀉  
上池

次壁間杜牧韻

春山路僻問歸樵爲指前峰石逕遙僧與白雲  
還暝壑月隨滄海上寒潮世情老去渾無賴遊  
興年來獨未消回首孤帆又陳迹踈鐘隔渚夜  
迢迢

山僧

崑下蕭然老病僧曾求佛法禮南能論詩自許



歷代詩選  
卷之四  
三  
窺三昧人聖無梯出小乘高閣松風飄夜磬石  
牀花雨落寒燈更深月出山窗曙漱齒焚香誦  
法楞

江邊阻風散步至靈山寺  
歸船不遇打頭風行脚何緣到此中幽谷餘寒  
春雪在虛簷斜日暮江空林間古塔無僧住花  
外仙源有路通隨處看山隨處樂莫將踪跡嘆  
萍逢

泊舟大同山溪間諸生聞之有挾冊來尋

者  
扁舟經月住林隈謝得黃鶯日日來兼有清泉  
堪洗耳更多脩竹好銜杯諸生涉水携詩卷童  
子和雲掃石苔獨柰華峰隔煙霧時勞策杖上  
崔嵬

岩下桃花盛開携酒獨酌

小小山園幾樹桃安排春色候停橈開樽旋掃  
花陰雪展席平臨松頂濤地遠不須防俗駕溪  
晴還好着魚舫雲間石路稀人迹深處容無避



歷代詩選  
世豪

重遊無相寺次舊韻

舊識仙源路未差  
來從谷口問桃花  
屢攀絕棧經殘雪  
幾度清溪踏月華  
虎穴相連多異境  
鳥飛不到有僧家  
頻來休下仙翁榻  
只借峰頭一片霞

巖頭閒坐漫成

盡日巖頭坐落花  
不知何處是吾家  
靜聽谷鳥遷喬木  
閒看林蜂散午衙  
翠壁泉聲穿亂石  
碧

潭雲影透晴沙  
癡兒公事真難了  
須信吾生自有涯

春日遊齊山

卽看花發又花飛  
空向花前嘆式微  
自笑半生行脚過  
何人未老乞身歸  
江頭鼓角翻春浪  
雲外旌旗閃落暉  
羨殺山中麋鹿伴  
千金難買芟荷衣

又

倦鳥投枝已亂飛  
林間暝色漸霏微  
春山日暮



歷代詩選 明王陽明 卷二  
成孤坐遊子天涯正憶歸古洞濕雲含宿雨碧  
溪明月弄清輝桃花不管人間事只笑山人未  
拂衣

月下吟

露冷天清月更輝可堪遊子倍沾衣催人歲月  
心空在滿眼兵戈事漸非方朔本無金馬意班  
超惟願玉門歸白頭應倚庭前樹怪我還期秋  
已遠

火秀宮次一峰韻

清溪曲曲轉層林始信桃源路未深晚樹煙霏  
山閣靜古松雷雨石壇陰丹爐遺火飛殘藥仙  
樂浮空寄絕音莫道山人才一到千年陳迹此  
重尋

夜宿浮峰次謙之韻

日日春山不厭尋野情原自懶朝簪幾家茅屋  
山村靜夾岼桃花溪水深石路草香隨鹿去洞  
門蘿月聽猿吟禪堂坐久發清磬却笑山僧亦  
有心



再遊延壽寺次舊韻

歷歷溪山記舊踪  
寺僧遙住翠微重  
扁舟曾泛桃花入  
岐路新多草樹封  
谷口鳥聲兼伐木  
石門煙火出深松  
年來百好俱衰薄  
獨有幽探興尚濃

重尋秋夜

春園花木始菲菲  
又是高秋落葉稀  
天迥樓臺含氣象  
月明星斗避光輝  
閒來心地如空水  
靜後天機見隱微  
深院寂寥羣動息  
獨憐烏鵲繞

枝飛

觀從吾登爐峰絕頂戲贈

道人不柰登山癖  
日暮猶思絕棧源  
崑底獨行穿虎穴  
峰頭清嘯亂猿羣  
清溪月出時尋寺  
歸棹城隅夜欵門  
可笑中郎無好興  
獨畱松院坐黃昏

山中漫興

清晨急雨度林扉  
餘滴煙稍尚濕衣  
雨水霞明桃亂吐  
沿溪風暖藥初肥  
物情到底能容懶  
世



歷代詩選 明王陽明 世  
事從前頓覺非自擬春光還自領好誰歌詠月中歸

謁伏波廟

樓船金鼓宿烏蠻魚麗羣舟夜上灘月繞旌旗  
千嶂靜風傳鈴柝九溪寒荒夷未必先聲服神  
武由來不殺難想見虞廷新氣象兩階干羽五  
雲端

南寧

一駐南寧五月餘纔因送遠過僧廬浮屠絕壁

經殘燹井竈沿村見廢墟撫恤尚慚凋敝後遊  
觀正及省耕初近聞襁負歸徭徭莫陋夷方不  
可居

遊牛峰寺

縈紆鳥道入雲松下數湖南百二峰岩犬吠時  
人出樹山僧迎客自鳴鐘凌巖陟險真扶病異  
日探奇是舊踪欲扣靈關問真訣春風蘿薜覆  
重重

姑蘇吳氏海天樓次鄺尹韻



晴雪吹寒春事濃江樓三月尚殘冬青山暗逐  
回廊轉碧海真成捷徑通風暖簷牙雙燕劇雲  
深簾幕萬花重倚欄天北疑回首想像丹梯下  
六龍

尋春

十里湖光放小舟謾尋春事及西疇江鷗意到  
忽飛去野老情深只自留日暮草香含雨氣九  
峰晴色散溪流吾儕是處皆行樂何必蘭亭說  
舊遊

西湖醉中漫書

十年塵海勞魂夢此日重來眼倍清好景恨無  
蘇老筆乞歸徒有賀公情白鳧飛處青林晚翠  
壁明邊返照清爛醉湖雲宿湖寺不知山月墮  
江城

化城寺

化城高住萬山深樓閣憑空上界侵天外清秋  
度明月人間微雨結輕陰鉢龍浮處雲生座岩  
虎歸時風滿林最愛山僧能好事夜堂燈火伴



孤吟

其二

雲裏軒窗半上鉤  
望中千里見江流  
高林日出三更曉  
幽谷風多六月秋  
仙骨自憐何日化  
塵緣翻覺此生浮  
夜深忽起蓬萊興  
飛上青天十二樓

其三

雲端鼓角落星斗  
松頂袈裟散雨花  
一百六峰開碧漢  
八十四梯踏紫霞  
山空仙骨葬金榔  
春

暖石芝抽玉芽獨揮談  
塵拂煙霧一笑天地真  
無涯

歲暮

兀坐經旬成木石  
忽驚歲暮還思鄉  
高簷白日不到地  
深夜黠鼠時登牀  
峰頭霽雪開草閣  
瀑下古松閑石房  
溪鶴洞猿爾無恙  
春江歸棹吾相將

天涯

天涯歲暮冰霜結  
永巷人稀罔象遊  
長夜星辰



瞻閣道曉天鐘鼓隔雲樓思家有淚仍多病報  
主無能合遠投留得昇平雙眼在且應簔笠卧  
滄洲

因雨和杜韻

晚堂踈雨暗柴門忽入殘荷瀉石盆萬里滄江  
生白髮幾人燈火坐黃昏客途最覺秋先到荒  
徑誰憐菊尚存却憶故園耕釣處短簑長笛下  
江村

赴謫次北新關喜見諸弟

笑天賦與

扁舟風雨泊江關兄弟相看夢寐間已分天涯  
成死別寧知意外得生還投荒自識君恩遠多  
病心便吏事閒携汝耕樵應有日好移茅屋傍  
雲山

南屏

溪風漠漠南屏路春服初成病眼開花竹日新  
僧已老湖山如舊我重來層樓雨急青林迥古  
殿雲晴碧嶂迴獨有幽禽解相信雙飛時下讀  
書臺



卧病静慈寫懷

卧病空山春復夏山中幽事最能知  
雨晴階下泉聲急夜靜松間月色遲  
把卷有時眠白石解纓隨意濯清漪  
吳山越嶠俱堪老正柰燕雲繫遠思

雲山移居勝果寺

江上但知山色好峰迴始見寺門開  
半空虛閣有雲住六月深松無暑來  
病肺正思移枕簟洗心兼得遠塵埃  
富春只尺煙濤外時倚層霞望

釣臺

武夷次壁間韻

肩輿飛度萬峰雲回首滄波月下聞  
海上真爲滄水使山中行遇武夷君  
溪流九曲初諳路精舍千年不染氛  
歸去高堂慰垂白細探仍擬在春分

玉山東嶽廟遇舊識嚴星士

憶昨東歸亭下路數峰簫管隔秋雲  
肩輿欲到妨多事鼓枻重來會有云  
春夜絕憐燈節近溪



歷代詩選 明王陽明  
聲最好月中聞行藏無用君平卜請看沙邊鷗  
鷺羣

廣信元夕蔣太守舟中夜話

樓臺燈火水西東簫鼓星橋度碧空何處忽談  
塵世外百年惟此月明中客途孤寂渾常事遠  
地相求見古風別後新詩如不惜衡南今亦有  
飛鴻

夜泊石亭寺用韻呈陳婁諸公因寄儲柴  
墟都憲及喬白岩太常諸友

廿年不到石亭寺惟有西山只舊青白拂挂墻  
僧已去紅闌照水客重經沙村遠樹疑春望江  
雨孤篷入夜聽何處故人還笑語東風啼鳥夢  
初醒

夜宿宣風館

山石崎嶇古轍痕沙溪馬渡水猶渾夕陽歸鳥  
深投麓煙火行人望遠村天際浮雲生白髮林  
間孤月坐黃昏越南冀北俱千里正恐春愁入  
夜魂



萍鄉道中謁濂溪祠

木偶相沿恐未真清輝亦復凜衣巾簿書曾屈  
乘田吏俎豆猶存畏壘民碧水蒼山俱過化光  
風霽月自傳神千年私淑心雖後下拜春祠薦  
渚蘋

宿萍鄉武雲觀

曉行山徑樹高低雨後春泥沒馬蹄翠色拖雲  
開疊嶂寒聲隔竹隱晴溪已聞南去艱舟楫漫  
憶東歸阻杖藜夜宿仙家見明月清光還似鑑

湖西

羅舊驛

客行日日萬峰頭山水南來亦勝遊布穀鳥啼  
村雨暗刺桐花暝石溪幽蠻煙喜過青楊瘴鄉  
思愁經芳杜洲身在夜郎家萬里五雲天北是  
神州

沅水驛

辰陽南望接沅州碧樹林中古驛樓遠客日憐  
風土異空山惟見瘴雲浮耶溪有信從誰問楚



歷代詩選 明王陽明 卷五  
水無情只自流却幸此身如野鶴人間隨地可  
淹留

鐘鼓洞

見說水南多異迹岩頭時有鼓鐘聲空遺石壁  
千年在未信金砂九轉成遠地星辰瞻北極春  
山明月坐更深年來夷險還忘却始信羊腸路  
亦平

清平衛卽事

積雨山途喜乍晴暖雲浮動水花明故園日與  
青春遠敝緼涼思白苧輕煙際草衣窺絕棧峰  
頭戍角隱孤城華夷節制嚴冠履漫說殊方列  
省卿

興隆衛書壁

山城高下見樓臺野戍參差暮角催貴竹路從  
峰頂入夜郎人自日邊來鶯花夾道驚春老雉  
堞連雲向曉開尺素屢題還擲却衡南那有雁  
飛回

七盤



鳥道縈紆下七盤古藤蒼木峽聲寒境多奇絕  
非吾土時可淹畱是謫官猶記邊烽傳羽檄近  
聞苗俗化衣冠投簪實有居夷志垂白難承菽  
水歡人外爾人自日遊來無亦爽遊春去載

龍岡漫興

投荒萬里入炎州却喜官卑得自由心愜夷居  
何有陋身符吏隱未忘憂春山卉服時相問雪  
寨籃輿每獨遊擬把犁鋤從許子謾將絃誦止  
言遊

卧龍一去忘消息千古龍岡漫有名草屋何人  
方管樂桑間無耳聽咸英江沙漠漠遺雲鳥草  
木蕭蕭動甲兵好共鹿門龐處士相期采藥入  
青冥

過天生橋

水光如練落長松雲際天橋隱白虹遼鶴不來  
華表爛仙人一去石橋空徒聞鵲架橫秋夕謾  
說秦鞭到海東移放長江還濟險可憐虛却萬  
山中



春晴

林下春晴風漸和高巖殘雪已無多  
遊絲冉冉花枝靜青壁迢迢白鳥過  
忽向山中懷伴侶還從洞口夢煙蘿  
客衣塵土終須換好與湖邊長  
菱荷戲天竺鉢

青冥陸廣曉發

初日瞳瞳似曉霞雨痕新霽渡頭沙  
溪深幾曲雲藏峽樹老千年雪作花  
白鳥去邊迴驛路青崖缺處見人家  
徧行奇勝才經此江上無勞羨

九華

雪夜

天涯久客歲侵尋茅屋新開楓樹林  
漸慣省言因病齒屢經多難解安心  
猶憐未繫蒼生望且得閒爲白石吟  
乘興最堪風雪夜小舟何日返  
山陰

元夕

故園今夕是元宵獨向蠻村坐寂寥  
賴有遺經堪作伴喜無車馬過相邀  
春還草閣梅先動月



歷代詩選 明王陽明  
滿虛亭雪未消堂上花燈諸第集重闌應念一  
身遙

家僮作紙燈

寥落荒村燈事賒蠻奴試巧剪春紗花枝綽約  
含輕霧月色玲瓏映綺霞取辦不徒酬令節賞  
心兼是惜年華何如京國王侯第一盞中人產  
十家

白雲堂

白雲僧舍市橋東別院迴廊小徑通歲古簷松

存獨榦春還庭竹發新叢晴窗暗映羣峰雪清  
梵長飄高閣風遷客從來其寂莫青鞵時過月

明中

來僊洞

古洞春寒客到稀綠苔荒逕草霏霏書懸絕壁  
留仙偈花發層蘿繡佛衣壺榼還從童冠集杖  
藜隨處世情微石門遙鎖陽明鶴應笑山人久  
不歸

木閣道中雪



瘦馬支離緣絕壁連峰窅窕入層雲山村樹暝  
驚鴉陣澗道雪深逢鹿羣凍合衡茅炊火斷望  
迷孤戍暮笳聞正思講席諸賢在絳蠟清醅坐  
夜分

古風元夕雪用蘇韻

林間暮雪定歸鴉山外鈴聲報使車玉盞春光  
傳栢葉夜堂銀燭亂簷花蕭條音信愁邊雁迢  
遞關河夢裏家何日扁舟還舊隱一簑江上把  
魚叉

寒威入夜益廉纖酒甕爐床亦戒嚴久客漸憐  
衣有結蠻居長嘆食無鹽飢豺正爾羣當路東  
雀從渠自宿簷陰極陽回知不遠蘭芽行見發  
春尖

曉霽用前韻書懷

雙闕鐘聲起萬鴉禁城月色滿朝車竟誰詩詠  
東曹檜正憶梅開西寺花此日天涯傷逐客何  
年江上却還家曾無一字堪驅使漫有虛名擬  
八叉



澗草巖花欲鬪纖溪風林雪故爭嚴連岐盡說  
 還宜麥煮海何曾見作鹽路斷蹇憐無過客病  
 餘兼喜曝晴簷謫居亦自多清絕門外羣峰玉  
 笋尖

夜宿汪氏園書

小閣藏身一斗方夜深虛白自生光梁間來下  
 徐生榻座上慚無荀令香驛樹雨聲翻屋瓦龍  
 池月色浸書床他年貴竹傳遺事應說陽明舊  
 草堂

春行

冬盡西歸滿山雪初春復來花滿山野鷗亂浴  
 清溪上黃鳥雙飛綠樹間物色變遷隨白眼人  
 生豈得長朱顏好將吾道從吾黨歸把漁竿東  
 海灣

村南

花事紛紛春欲酣杖藜隨步過村南田翁開野  
 教新犢溪女分流浴種蠶穉犬吠人依密槿閒  
 鳧照影立晴潭偶逢江客傳鄉信歸卧楓堂夢



石龕

山途

上山見日下山陰陰欲開時日欲沈晚景無多  
傷遠道朝陽莫更阻雲岑人歸暝市分漁火客  
舍空林依暮禽世事驗來還自領古人先已得  
吾心  
又黃鳥更飛愁樹開沙汀變我欲白羽人  
南北驅馳任板輿謫鄉何地是安居家家細雨  
殘燈後處處荒原野燒餘江樹欲迷遊子望朔

雲長斷故人書茂陵多病終蕭散何事相如賦  
子虛

答劉美之見寄次韻

休疑遷客迹全貧猶有沙鷗日見親勲業久辭  
滄海夢煙花多負故園春百年長恐終無補萬  
里寧期尚得身念我不勞傷髮雪知君久已拂  
衣塵

書庭蕉

簷前蕉葉綠成林長夏全無暑氣侵但得雨聲



連夜靜何妨月色半牀陰  
新詩舊葉題將滿老  
菱疎桐恨共深莫笑鄭人談  
訟鹿至今醒夢兩  
難尋

送張憲長左遷滇南大叅次韻

世味知君最飽諳百年清德亦何慚  
柏臺藩省官非早江漢滇池道益南  
絕域煙花憐我遠今宵風月好誰談  
交遊若問居夷事為說山泉頗自堪

南菴次韻

隔水樵漁亦幾家緣岡石路入溪斜  
松林晚映千峰雨楓葉秋連萬樹霞  
漸覺形骸逃物外未妨遊樂在天涯  
頻來不用勞僧榻已借沙鷗一  
席沙

其二

斜日江波動客衣水南深竹見巖扉  
漁人罷網舟初集野老忘機坐未歸  
漸覺雲間棲翼亂愁看天北暮雲飛  
年年歲晚長為客閒殺西湖舊  
釣磯



觀傀儡次韻

處處相逢是戲場何須傀儡夜登堂  
繁華過眼三更促名利牽人一線長  
穉子故應爭詫說矮人空復自悲傷  
本來面目還誰識且向樽前學楚狂

徐都憲同遊南菴次韻

巖寺藏春長不夏江花映日艷于桃  
山陰入戶川光暮林影浮空暑氣高  
樹老豈能知歲月溪清真可鑑秋毫  
但逢佳景須行樂莫遣風霜着

鬢毛

卽席次王文濟少叅韻

此身未擬泣窮途隨處翻飛野鶴孤  
霜冷幾枝存晚菊溪春兩度見新蒲  
荆西寇盜紆籌策湘北流移入畫圖  
莫怪當筵倍淒切誅求滿地促官遊

夜寒

簷際重陰覆夜寒石爐松火坐更殘  
窮荒正訝鄉書絕險路仍愁歸夢難  
仙侶春風懷越嶠釣



歷代詩選 明 陸文順  
船明月負嚴灘未因謫宦傷憔悴客髮還羞鏡  
裏看

次韻送陸文順僉憲

貴陽東望楚山平無奈天涯又送行杯酒豫期  
傾蓋日封書煩慰倚門情心馳魏闕星辰迥路  
遠鄉山草木榮京國交游零落盡空將秋月寄  
猿聲

次韻胡少參見過

旋營小酌典春裘佳客真慚竟日留長怪嶺雲

迷楚望忽聞吳語破鄉愁鏡湖自昔堪歸老杞  
國何人獨抱憂莫問臨花倍惆悵賞心原不在  
枝頭

過江門崖

三年謫宦沮蠻氛天放扁舟下楚雲歸信應先  
春雁到閒心期與白鷗羣晴溪欲轉新年色蒼  
壁多遺古篆文此地從來山水勝它時回首憶  
江濱

武陵潮音閣懷孔明



高閣憑虛臺十尋捲簾疎雨動微吟江天雲鳥  
自來去楚澤風煙無古今山色漸疑衡嶽近花  
源欲問武陵深新春尚阻東歸楫落日誰堪話  
此心

夜宿香山林宗師房次韻

幽壑來尋物外情石門遙指白雲生林間伐木  
時聞響谷口逢僧不記名天壁倒涵湖月曉煙  
梯高接緯階平松堂靜夜渾無寐到枕風泉處  
處聲

春風杖錫道中用張憲使韻

山鳥歡呼欲問名山花含笑似相迎風迴碧樹  
秋聲早雨過丹崖夕照明雪嶺插天開玉帳雲  
溪環碧抱金城懸燈夜宿茅堂靜洞鶴林僧相  
對清

又用曰仁韻

每逢佳處問名山風景依稀過眼生歸霧忽連  
千嶂暝夕陽偏放一溪晴晚投岩寺依雲宿靜  
愛楓林送雨聲夜久披衣還起坐不禁風月照



人清

贈熊彰歸

門逕荒涼蔓草生相求深愧遠來情  
千年絕學蒙塵土何處澄江無月明  
坐看遠山凝暮色忽驚塵葉起秋聲  
歸途望嶽多幽興為問山田待耦耕

送守中至龍盤山中

未盡師生六日情天教風雪阻西行  
茅堂豈有春風坐江郭虛留一月程  
客邸琴書燈火靜故

園風竹夢魂清何年穩閉陽明洞  
楫拙山爐煮石羨

龍蟠山中用韻

無奈青山處處情村沽日日辨山行  
真慚廩食虛官守只把山遊作課程  
谷口亂雲隨騎遠林間飛雪點衣輕  
長思澹泊還真性世味年來久絮羨

別希顏

後會難期別未輕莫辭行李滯江城  
且留南國



春山興共聽西堂夜雨聲歸路終知雲外去晴  
湖想見鏡中行爲尋洞裏幽栖處還有峰頭雙  
鶴鳴

龍潭夜坐

何處花香入夜清石林茅屋隔溪聲幽人月出  
每孤往棲鳥山空時一鳴草露不辭芒屨濕松  
風偏與葛衣輕臨流欲寫猗蘭意江北江南無  
限情

送德觀歸省

雪裏閉門十日坐開門一笑忽青天茅簷正好  
負暄日客子胡爲思故園椿樹慣經霜雪老梅  
花偏向歲寒妍瑯琊春色如相憶好放山陰月  
下船

寄浮峰詩社

晚涼庭院坐新秋微月初生亦滿樓千里故人  
誰命駕百年多病有孤舟風霜草木驚時態砧  
杵關河動遠愁飲水曲肱吾自樂茅堂今在越  
溪頭



題玉實夫畫

隨處山泉着草衣底須松竹掩柴扉天涯遊子  
何曾出畫裏孤帆未是歸小酉諸峰開夕照虎  
溪春寺入煙霏他年還向辰陽望却憶題詩在  
翠微

寄馮雪湖

竹竿誰隱扶桑東白眉之叟今龐公隔湖聞雞  
謝墅接渡海有鶴蓬山通鹵田經歲苦秋雨浪  
痕半壁驚湖風歌聲屋底似金石點也此意當

能同

贈潘給事

五月滄浪濯足歸正堪荷葉製初衣甲非乙是  
君休問酉水辰山志未違沙鳥不須疑雀舫江  
雲先為掃渙磯武陵溪壑猶深僻莫更移家入  
翠微

登憑虛閣和石少宰韻

山閣新春負一登酒邊孤興晚堪乘松間鳴瑟  
驚棲鶴竹裏茶煙起定僧望遠每來成久坐傷



時有涕恨無能峰頭見說連閶闔幾欲排雲尚  
未曾

遊清涼寺

春尋載酒本無期乘興還嫌馬足遲古寺共憐  
春草沒遠山偏與夕陽宜雨晴澗竹消蒼粉風  
暖巖花落紫蕤昏黑更須凌絕頂高懷想見少  
陵詩

又

積雨山行已後期更堪多病益遲遲風塵漸覺

初心負丘壑真于野性宜綠樹陰層新作蓋紫  
蘭香細尚餘蕤輞川圖畫能如許絕是無聲亦  
有詩

寄張東所次前韻

遠趨君命忽中違此意年來識者稀黃綺曾爲  
炎祚出子陵終向富春歸江船一話千年澗塵  
夢今驚四十非何日孤帆過天目海門春浪掃  
漁磯

別余縉子紳



寧須買棹往來頻我亦携家向海濱但得青山  
隨鹿豕未論黃閣畫麒麟喪心疾已千年痼起  
死方存六籍真歸向蘭溪溪上問桃花春水正  
迷津出千劫終向富春讀此歌二語千牛斷  
回軍上杭數北意平來端首厭黃絲曾  
山城經月駐旌戈亦復幽尋到薜蘿南國已歡  
回甲馬東田初喜出農簑溪雲曉度千峰雨江  
漲新  
■ 岼波暮倚七星瞻北極絕憐蒼翠晚  
來多

聞日仁買田雪上携同志待予歸二首

見說相携雪上耕連簑應已出烏程荒畝初墾  
功須倍秋熟雖微稅亦輕雨後湖舫兼學釣餉  
餘堤樹合閒行山人久有歸農興猶向千峰夜  
度兵

月色高林坐夜沈此時何限故園心山中古洞  
陰蘿合江上孤舟春水深百戰自知非舊學三  
驅猶愧失前禽歸期久負雲門伴獨向幽溪雪  
後尋



蓮花峰

夜靜涼颼發輕雲散碧空玉鈎挂新月露出青  
芙蓉

九華山下柯秀才家

蒼峰抱層嶂翠瀑繞雙溪下有幽人宅蘿深客  
到迷

無相寺三首

老僧巖下屋繞屋皆松竹朝聞春鳥啼夜伴岩  
虎宿

坐望九華碧浮雲生曉寒山靈應秘惜不許俗  
人看

靜夜聞林雨山靈似欲留只愁梯石滑不得到  
峰頭

宿天池月下聞雷次早知山下大雨

昨夜月明峰頂宿隱隱雷聲在山麓曉來却問  
山下人風雨三更捲茅屋

文殊臺夜觀佛燈

老夫高卧文殊臺拄杖夜撞青天開散落星辰



滿平野山僧盡道佛燈來

書扇贈從吾

君家只在海西隈  
日日寒潮去復迴  
莫遣扁舟成久別  
爐峰秋月望君來

題四老圍棋圖

世外煙霞亦許時  
至今風致後人思  
却懷劉項當年事  
不及山中一着棋

泛海

險夷原不滯胸中  
何異浮雲過太空  
夜靜海濤

三萬里月明飛錫下天風

袁州府宜春臺

臺名何事只宜春  
山色無時不可人  
不用煙花費粧點  
儘教刊落自嶙峋

古廟香燈幾許年  
增脩還費大官錢  
至今楚地多風雨  
猶道山神駕鐵船

夜宿功德寺次宗賢韻

山行初試夾衣輕  
脚軟黃塵石路生  
一夜洞雲眠未足  
湖風吹月渡溪清



又

水邊楊柳覆茅楹  
飲馬春流上一亭  
坐久遂忘歸路夕  
溪雲正瀉暮山青

別方叔賢

西樵山色遠依依  
東指江門石路微  
料得楚雲臺上客  
久懸秋月待君歸

題歲寒亭贈汪尚和

一覺紅塵夢欲殘  
江城六月滯風湍  
人同炎暑無逃遁  
歸向山中卧歲寒

山中懶睡

掃石焚香任意眠  
醒來時有客談玄  
松風不用蒲葵扇  
坐對青崖百丈泉

用實夫韻

詩從雪後吟偏好  
酒向山中味轉佳  
岩瀑隨風雜鐘磬  
水花如雨落袈裟

石倉十二代詩選

明次集卷八十九

終



石倉十二代詩選

明次集卷之九

蘇軾蘇木芥牧雨茶菜菜

蘇軾蘇木芥牧雨茶菜菜

用寶夫贈

蘇軾蘇木芥牧雨茶菜菜

蘇軾蘇木芥牧雨茶菜菜

山中賦

石倉十二代詩選

凌谿集

大明

寶應朱應登著  
後學曹學佺閱

木中雨雪曲

行道廣且深霏雪何飄颺晨風無終極烈烈吹  
我裳長冰斷四澤灑景瀾八荒遙矚達周原廓  
哉無何鄉迫觀古巖側磧路如羊腸獵人携犬  
至窮獸走彷徨僕飢委道阪馬疲不能行戍旗  
動高隧云是甸子岡超驤愧局步躑躅徒自傷



贈劉元瑞守紹興

朝出承明廬駕言還故鄉當門結旌旆觀者倍  
生光故人欣再見眷眷意難忘舉觴承湛露頌  
德詠羔羊周官十二牧職貢各殊疆持子夙夜  
心坐致黎庶康深衷豈念此但感別日長相彼  
水中鳧羽翼同翱翔風波一失所望望徒心傷

潯西山庄畱別康脩撰海

潯西渺何極乃在南山陲太白交參互雍原相  
蔽虧微春發膏潤庶品含榮熙靈光凝遐矚灑

景暢玄思念子薄時好懷芬與世遺金閨謝時  
彥丹壑歛英姿大道本昭曠上聖或居夷蹇予  
重行役睠彼寫襟期臨觴詎能已爲情良在斯  
淹淹日復夕去去從此辭一別起萬想孤悵悵  
中達願言抗高軌爲國揚令儀

立秋後一日過興隆次韻書懷

辭家方首夏奄忽臨秋期行役良孔艱運序一  
再移那能不夙夜行露多嶽巘緬邈親之廬阻  
絕天一涯心隨落日遠日與飛雲馳四月乏一



書何以慰遐思湖田亦粗給歲計無厚基秋稼  
儻有獲尚可豐華滋私言秉昭曠生產非所治

夢大復何子

京華一云別瞥若紛飛翼遙遙南中道念子無  
消息歲徂寒暑變日落風雨黑詎知萬里魂能  
達君子側篇章煩見示觸目見古色瀏瀏清瀨  
鳴擢擢朱絃直指擿發雋語要我以終極大質  
多渾成至寶去雕飾晤語忽復竟驚起謝良德  
音微猶若聞轉盼已難卽張悵牽垂帷仰睇梁

月色何由託歸鴻附此長相憶

贈別蔣子雲

羈心夜不寐懷里念前途明時悼遷斥末路紛  
憂虞秋湍積廣岍初暉開晴湖諸禽相哀鳴似  
亦憐其徒弭子南泛楫爲余傾一壺壺傾復淹  
滯執手野躊躇子夙負耿介懷寶適名都摛詞  
悲寡和守道謝羣趨忽諫長楊獵甘伏東市誅  
運違大道隱事躡神理徂皇靈幸迴睠死草  
氣復蘇已稅金陵駕尚挽幕中符官閑足休澣



室邇遂懽愉遠績不在小寧子千金軀

進舟廣洋湖宿村舍

理棹出林樾繫纜息溪濱平疇寓耳目彌望披  
煙雲秋卉具以腓時景氣猶芬歸栖得故墟拙  
疾負夙聞繾綣盈尊酒斟酌生微醺長謝鸞鶴  
儔永託雁鷺羣回翔視蔚羅緯繡徒多文

沙子頭田居贈仲一丈飲酒

殘春餘幾日芳意暢心目若乘木蘭橈遠汎晴  
川綠問舍白鷺邊開軒青林曲三日轉一隅所

至詢耕牧有客從外來斗酒相爲開雀舫截魚  
膾鸞刀飛豹胎下箸羅庶羞一飲累百杯華登  
繼宵景漏盡未云迴君本伊管儔少壯樹宏達  
誤挂繒繳中遂令毛羽鍛河清聖人出彙進茅  
俱拔恐使經濟才終困泥塗轄勸君飲美酒幽  
憤當見刷

何中丞四圖詩

肅事戒宵駕振衣辭國都王命有程期握此塞  
下符悠悠遠行邁忽忽歲月徂汾晉承飛蓋河



隴遵前驅 聖主重守邊買馬南禦胡千金大  
宛種五色渥洼駒沙苑開萬廐雲錦紛模糊豈  
云勤遠畧貴在防不虞委身狗臣節曷敢寧吾  
軀 右職方奉使

大梁何岌嶷崎函跨上游羅衢分第宅驅轂富  
王侯煌煌紫薇省控據當嵩丘明公廊廟姿舉  
世寡所儔出牧涖茲土日爲蒼生謀巡方重民  
隱攬轡宣皇猷遂令宛洛間萬屋歸懷柔民居  
既奠枕河水亦安流逸矣皇華篇千古詠咨諏

右藩省旬宣

王封出以乘國富馬可數所貴皇澤流物產自  
生聚偉哉太僕正實領九州畱行寺儼列星羣  
牧如環堵欵獻勤遠人廝養及編戶外以衛河  
湟入以實畿輔明公旣俊賢君王况神武以故  
西北邊權奇盡貔虎沙場九萬疋疋疋明如素  
淵心豈專衛駟頌仍兼魯要在翊聖衷匪徒事  
狂虜 右太卿考牧

迢迢黔中道乃在天一隅自昔靡漠鄉本與中



國殊馬卿西喻蜀武侯南渡瀘遺聲落千載文  
 教久自濡竭來苦凋瘵上下相矯誣奠夷爲厲  
 階黔首困豪輸慨彼蓬髮人所至無完膚公今  
 萬里往間閭待昭蘇高調易絕絃急矢無完弧  
 其棠且先樹蕭艾宜後鋤政在寬嚴間寒屋自  
 回枯武侯何人斯豈謂非吾夫

右都憲巡撫

方子還山中兩度寄詩帙見寄

方子還山中兩度寄詩帙憐余方在疚報答百  
 不一故人枉相存所恨越阡術江南十月交山

中稼應畢天寒脆榆柳霜重熟棗栗理甕得舊  
 醅攀崖割新蜜既可歡親顏亦堪悅家室吾翁  
 嗟已晚念此重有失尚幸老母康龐以慰蓬篚  
 人生歸有道貧賤匪所恤作詩謝同懷商風振  
 瑤瑟

爲陸子齊題杏林春燕圖

長安三月黃鸝飛杏花如雪飄人衣陸郎二十  
 擅文譽早向甘泉獻賦歸瓊林日高酒如乳意  
 氣侵凌天尺五中坐賓僚列上公教坊細樂呈



新譜君家慶澤葉流根父子相承更祖孫蟬聯  
七貴傳三葉儒雅風流在一門鵲樓前瑞煙  
起朝回躍馬鳴珂里甲第還因主得名都人盡  
指官爲氏君不見侍郎府前槐樹生中書省裏  
盤石平昭侯世擅江東美更有平原入洛京

海東神鳥詩贈張鶴舉

千年老鳳生海東一巢三雛各爭雄錦翰繡臆  
次第舉共入朝家羅網中太液池邊日初旦連  
翩上下聲相聞一翔栢府凝神羊一集芝房伴

朱雁就中少者猶知名慷慨三年始一鳴彤庭  
誤聽伶倫竹碧落如聞子晉笙燕都二月青陽  
動棠花枝上參差弄姜被寒多夜未開謝池草  
發春先夢一門兄弟擅芳聲文采翩翩瑞聖明  
可憐韓子河陰道空感區區二鳥榮

戚里行

長安戚里盛樓臺羅衢夾巷絕浮埃雕軒綺戶  
排雲出却使飛鷹翻下來就中上貴椒房籍十  
八封侯門列戟有時清夜侍皇游監宮不敢詢



踪跡連宗結黨氣象新等閑出入雙朱輪朝回  
戲獵宜春苑手挾瑠弧閒射人昌國里中花滿  
煙乾寧驛前雲蔽天商船到听不敢攏恐有家  
奴橫索錢英雄有時坐銷歇喬柯易瘁甘泉竭  
太陽初升光燭人不見明星與華月君看昔日  
景福宮惟有楊柳搖春風

通樂函谷關歌

朝出洛陽城暮投函關道函關日落行人稀滿  
目黃雲暗秋草此地古來西屬秦崩城敗壁猶

嶙峋牛車冉冉行不盡更愁怪石推車輪關門  
老子去已遠吾生學道嗟何晚紫氣猶經舊路  
迷青牛不見當時返只今豺虎正縱橫羽檄星  
馳大點兵徼巡司隸督責苦關下居民日夕驚  
疎林漸指新安麓夜火人歸茅店宿雞鳴客起  
四散分令人忽憶孟嘗君

過分水嶺有懷同志

前歲南過分水關十月天晴花滿山今年西度  
分水嶺九秋積雪浮寒影天時南北有常運人



事蹉跎發深省中原日夕狼虎多游子出門行  
荷戈魯儒樞衣蹈白刃汴京灑血腥黃河東橋  
作郡夷門裏南原臥家猶未起石亭抱璞隱城  
市鳧塘買田歸霽水有懷幽咄真自知海內論  
心竟誰是春日淮南黃歷畱丁丁伐木聲相求  
此時誰遣不歸去梁令還家尚黑頭

和西涯閣老寄題黃鶴樓韻兼呈秦鳳山

中丞

樓船浮空向空泊坐對江樓詠孤鶴杲日晶晶

目仍遠澄波淼淼心先廓大別曾聞神禹鑿洞  
庭彭蠡相聯絡夤緣七澤入溟海控引羣山俯  
飛閣飛閣西來千萬峰鈞天九奏敞龍宮虛傳  
雲樹書能達實少桃源路可通靈洲處處聞芳  
杜商舶時時乘便風風波歲月坐超忽回首朱  
顏成老翁我生蹇劣慚時彥踪跡天涯已強半  
春草幽憂泣楚纍秋風歸思懷張翰支離歲月  
如轉蓬廿載斯樓已三見感慨長歌崔老篇登  
臨省識回僊面茲來景物尤絕奇江水江花淨



如練報詩中丞興不淺更擬乘槎上霄漢

送姚惟寧出守

十月宜陽道風煙憶舊遊郡齋迎遠岫城郭帶  
寒流楚俗民多儉周田歲有秋居民忘帝力惟  
解頌邦侯

胡馬圖

墮地非凡種房星已動天千金辭大宛萬里刷  
幽燕首藉花初滿關山月屢圓將軍功未建辛  
苦四蹄穿

華嚴恭陪郊祀

委佩祠官蕭揚旂法駕來仗移天穆穆戟轉雪  
皚皚皮弁觀周禮甘泉憶漢才小臣慚職守隨  
例得叨陪

其二

陛戟森相向爐煙細不流慶雲團御蓋壁月抱  
園丘吉協牲牢卜馨將秬鬯浮郊禋天子禮分  
獻及公侯

哀谷亭



聞道團營將前茅未進師居民坐塗炭揮淚望  
 旌旂柳色烽煙外鳩聲谷雨時移家若飄梗誰  
 暇念東菑卦半十暮秋時曾我波顛天千賦公  
 劉焯王子晉祠對曉不亦雲團吟益壘貝賦  
 杪秋天變陰落葉下高林不辨仙游處惟驚驛  
 路深雲重鵠馭遠月暗鳳笙沈獨有緱山廟居  
 人仰至今

同州道中

華嶽連馮翊黃圖別附庸長風開萬壑落日隱

三峰野望浮埃合鄉心遠樹重幽求今未得猶  
 自抗塵容

用韻答張汝誠

臨關能送客投分亦緣君已負尋春約寧辭坐  
 夜分散衙欣對月酌酒慰停雲奈爾明朝路驂  
 驅暫別羣

褒城道中

蒼莽晝難分嶽嶽自昔聞崑居低附谷磴道直  
 披雲馬踏經寒雪鴉翻未夕曛西夷通蜀路因



詔長卿文

由金州舟行至洵陽雜咏

窮源自蟠冢流作漢江清食貨通湘編方言雜

楚聲林芳寒未改沙淨晚偏明便擬淮南卧前

汀多芷蘅

聞笛

楊柳垂垂發何堪一笛風飄銀振虛壑颯香入

長空月暗關山迥江迴澤國窮扁舟無寄託萬

里奈漁翁

登法明寺毘盧閣

清晨訪法界高閣上毘盧獨鶴巢深樹幽泉瀉

決渠開窗盡丘壑入寺極虛無坐愛香燈寂因

懷禪誦徒

龍泉寺

哀牢漢南徼訝爾學西天鑿石開龍象穿山引

梵泉胡奴長禮佛法侶共安禪暫暇來相訪難

同靜者緣

宿寺作



歷代詩選 明倫彙編 家範典 卷之九 三  
暮止何年寺煙花翠且重山門下斜日香閣度  
遙鐘梵寂殘僧少雲深宿鳥慵皈依如有悟不  
寢對金容

立春前一日橫嶺舖見梅戲折一首

不羨驚凡目寧辭澗壑濱古枝橫卧水香雪遠  
尋人鼻臘垂垂發迎春故故新徑須愁遽別解  
后且相親

立春過打牛坪

漢相畱遺愛千年著驛名何緣立春日能過打

牛坪籌策難迴運間關不廢耕人心今易見成  
敗豈堪評

大龍道中

客行無易事涉水復驅車多露愁沾濕荒庭旋  
埽除風帷便茂樹雨飯足嘉蔬是處皆安適吾  
生豈願餘

月夜舟中聞笛

秋風日夕厲已覺露華清况有隣舟笛能傳江  
海情羯胡當北遁倦客厭南征野水東流去餘



音空月明

憫旱用夏大行韻

火雲騰旱魃潦水斷橫塘秋穀已無賴山花徒  
自香望中膚寸遠愁裏祝融長野老猶焦思喧  
喧零社傍

浴溫泉

一月螳川路溫泉已亂流涓涓出地遠脉脉向  
人浮湛玉明膚色跳珠濺臂鞢塵心方爾沃客  
病可全瘳

奉益晚春經近郊別業漫賦示振之

地僻堪乘輿幽居足解嘲驟看芳樹合漸喜綠  
陰交素壁明珠綴青林暗鵲巢此生隨意適吾  
道豈如匏無帶

園居即事

首夏衡門裏清波四望通古槐垂密蔭細草結  
幽叢庭灑黃梅雨簾鈎紫燕風林堂多發興興  
至復誰同

雨後晚眺



小雨經簷盡殘陽隱樹低迎曛花氣合向夕野  
容迷寶刹流雲外金塘去鳥西吾生江海意隨  
分此卑栖

輞川

秋晚橫塘路方舟轉港頻漁人心不極落日未  
收綸水宿無常處江行自作隣因悲倦游客遠  
道獨逡巡

癸未書警

羣盜連淮海傳聞逼近郊空村愁欲陷歸燕恐

難巢敵愾誰能壯訛言衆易撓隣家小兒女荷  
擔念同胞

其二

物態傷吾意流離滿道傍雨鳩頻逐婦風雁忽  
迷行自分惟溝壑何人且廟廊舊時阡陌在癡  
望返耕桑  
宿獻花巖作

名山隔歲與心期古寺經過再賦詩僮僕解裝  
先藉草王僧畱客旋烹葵泉鳴澗壑秋生駛樹



歷代詩選  
隱房櫳日上遲豈獨有緣叅法界同行吏部共  
襟期

其二

長廊卷幔得閒凭南國秋容望不勝香閣梵音  
傳遠磬石幢寒影護懸燈山深疑有長生藥寺  
古應多入定僧人語忽然飄下界始知身在白  
雲層

送別王臨安

春風五馬出江城繡臆金腰刺史榮壯士買牛

銷舊劔蠻兵驅象迓前旌武侯祠下焚香過判  
丈山頭露冕行暫去還來知不久底須回首望  
宸京

憑虛閣餞別劉元瑞校書湖南

禪林高閣散煙霏灌木陰陰燕子飛酌酒共憐  
爲別易乘桴誰謂遠遊非白蘋洲畔心先到綠  
草湖南路不違世事浮沈何足間願言長自保  
音徽

張潤之邀遊清江道院時與家弟同集



仙臺微雨及新秋竹澁涼風戀舊遊座有名香  
消白日路多瑤草別丹丘同行小謝詩尤健共  
醉麻姑意更酬悵別更逢真境好不堪乘夜渡  
淮流

定南公署小憩

解鞍聊爾謝馳驅千里王官奉使初宿草尚懷  
曾駐蹕豐泥如卻欲行車山氓負耒春田散隣  
寺鳴鐘早飯餘休舍片時還覓句聖恩無地不  
寬舒

將從衢州陸行至常山

江鄉二月乍聞雷白霧黃雲慘不開石碓自春  
知水長布帆初飽覺風來旗亭喚客春嘗酒驛  
路懷人曉見梅世味已諳灘百折山行明日又  
千廻

次答顧開封

昔在南都文社裏道情長日對幽玄聲名豈藉  
金張薦時輩爭傳屈宋賢總謂離羣堪白首共  
嗟爲郡各經年相逢漫道還家樂生計何須負



郭田

舟至臨清大風晦冥聞過客言穀亭盜賊

之勢甚劇感而賦此

聞說王師北出燕山東羣盜故依然沙城風起  
塵如霧澤國春陰水作煙過客盡傳烽火警行  
人愁度谷亭船平原太守今誰是慷慨多慚石  
二千

渭南道中

歷歷晨光樹外明西來幾日又東行驪山自繞

秦宮盡渭水空榮漢時平豈有芳菲通舊苑祗  
驚禾黍暗高城憑誰指點興亡地歲晚令人百  
感生

登王孫亭望華嶽

華嶽遙瞻勢已雄河流入望更無窮羣山總出  
三峰下衆水同歸九曲中絕塞衣冠通上國行  
人車馬入新豐漢家陵邑依然在擬賦西都恐  
未工

入關



秋入嶠山見燒痕遺墟繚繞尚成村風塵古郡  
甘棠暗險阻重關宿草繁人影隔河三晉路煙  
花橫塞五陵原觀兵不改周秦舊耀德仍知  
聖主尊

再過同官道中作

浮雲細細雨還晴客思車塵喜暫清山館重來  
應識百野花空好不知名長林樹轉迴征蓋遠  
戍煙消出候旌日落興闌猶信馬荒城夜火斷  
人行

西莊秋日登老子說經臺臺下有道德經石刻  
并手植栢在焉感而賦此

伯陽仙去有高臺紫氣銷沈望不回樓觀俯看  
秋色裏函關背指暮雲隈岩前種栢飄玄澗石  
上翻經暗古苔問禮誰爭宣父長慚予千載偶  
能來

奉贈對山康子之作

許西花柳卜居新梁間燕泥生紫蘋病輟圖書  
緣在告興來魚鳥得長親浮雲漠漠秦川夕灌



木陰陰武水春賴有同時呂涇野相將歲晚結  
行隣

固原道中

旅雁將歸禾黍收邊衣八月總羊裘千山搖落  
無芳草萬壑奔騰自急流探騎弓刀揚遠日戍  
樓笳鼓動高秋獨持文教來幽塞更覽戎機答  
壯遊

六盤山

西北六盤山切雲一盤千折動星文穿林列騎

交愁入峭壁哀猿近厭聞隴樹遙連邊塞盡秦

關中斷渭流分清秋忽報烽煙警落日猶過虎

豹羣

書驛壁

羌隴西來秋事非長安東望渺庭闈十年故國

悲遊子九月寒砧感授衣返照入林戎馬急陰

雲接地雁鴻稀莫愁絕塞終難據聞道中原未

解圍

晚下摩雲嶺



曉發臯蘭望絕岑馬蹄平步入啾啾林藏積雪  
地含潤山渺素秋天變陰滿目煙霏窺幻化四  
時崑壑助蕭森黃河西畔華夷隔臨眺徒傷萬  
古心

臨洮道中

馬度洮河西復東重岡絕巘渺煙空寒帷更喜  
看晴雪挾纒仍愁犯朔風荏苒物華行役久支  
離病體歲年窮欲從隴右窺全蜀擬過徽陽入  
漢中

並發黃鶴樓讌集次答李子承裕之作

把酒江樓坐不歸高情向我重相違路通滇海  
人南去山近衡陽雁北飛避世每思詹尹卜解  
嘲誰訝子雲非相將更上層梯立閒看浮雲蔽  
晚暉

桃川懷古

猶有桃花照此川更無人泛武陵船泉分洞口  
僊凡隔地遠人間日月偏未羨入山真不老曾  
聞避世可稱賢逍遙物外平生志悵望丹丘已



灑然

秋興

金陵王氣卽非遙龍起濠梁表

聖朝御道北

來瞻日月神宮東望切雲霄花明天闕春遊寺

柳暗秦淮夜度橋陶謝並驅知豢竊別來人事

轉蕭條

其二

秣陵東下廣陵船一體繁華地接連遂有吹簫

並僊侶還同拾翠亂嬋娟風飄睡鴨沈檀火日

傍驂騮錦繡鞦豈是蕪城君不見叅軍辭賦莫

真傳

羅舊驛壁次王子伯安之什

辰山沅水瘴溪頭坐愛芳蓀賦倦遊翠竹含風

霜後改青林背日晚來幽離心已隔洞庭渚歸

夢時過鸚鵡洲漫訝入滇身萬里昆明池館漢

神州

東坡月潭寺雲泉閣小憩用壁間韻

月潭寺下息塵踪雲泉閣中看瀨穹蘿陰蒙翳



歷代詩選 卷之十一  
見樵逕石壁蟲兀開花宮俯瞰丹霄下飛鳥倒  
聽玉溜鳴寒松擬將招隱托衰謝夷夏兵戈愁  
未通

平越分司夜坐雨不絕

鳴泉踈雨下高林此夕天涯感慨心  
箐洞夷獠行處有邊城鼓角坐來深  
堂空風入傳虛警山  
坵雲開散積陰  
謾引壺觴看劍佩  
壯懷依舊未  
銷沈

浪滄江

千尋鐵鎖貫長橋積翠浮天萬壑遙  
人向中流看砥柱路從平地入岩堯  
未論文教開荒服已見夷王款  
聖朝鳥語花明迎使節浪滄江上  
瘴全消

夜飲俞國昌宅次華大叅文光韻

城闕風煙馬首東一樽今夕偶能同  
衝泥未怯銀鞍險照夜翻憐蠟炬紅  
遂有親朋連海宇還將意氣薄雲空  
天涯忽漫匆匆別莫遣音書滯  
便鴻



遊金山

江圻峰尖臺殿愁天開梵境鎮中流凌風舟楫  
坐超忽抱日鼉鼉時出遊塔劫俯空瞻麗象鐘  
幢接地動高丘卻探靈蹟窮三島坐愛閒雲出  
五州

龔家渡卽事

白沙清瀨繞江村槿葉藤花護竹門餉婦壺漿  
依畝畝野翁蓬跣對兒孫雨肥禾稼秋堪飽俗  
尚陶匏禮不繁安得卜居同栗里未須多事覓

桃源

曉發宜陽暑雨新霽晚宿宣風館次韻王

風寒雨陽明一首

絕壁雲開過雨痕綠江漲湧碧流渾溪田決溜  
疑無逕竹嶼籠煙別有村暑氣趁晴威更烈客  
程當午思饒昏扶持病體供驅使未羨江淹賦  
別魂

登宜梁城樓

城晏風高不耐衣飛樓縹緲動晴輝山連平野



歷代詩選 卷之九  
來無盡樹引寒流去漸微東望江淮舟楫遠北  
征車馬簡書稀未嗟筋力思滇海羞對漁樵說  
采薇

大駕東巡野語

聞說天王西狩頻翠華今日又東巡泰山重被  
登封頌梁父親承羽獵塵曉日霏煙開帳殿朔  
風寒雨暗楓宸江都十月花零落莫遣龍舟望  
幸新

次韻答振之弟報庭下桂花盛開

東郊雲物繞平田自分歸耕卒歲年問字每過  
携酒客泛湖時上打魚船行依流水心同靜坐  
對遙空思入玄莫訝小山花事好已畱歡賞寄  
秋前

夜坐聞新雁懷遠作

澤國秋深煙水饒依依涼月霽層霄一聲新雁  
已蕭瑟萬里長空方寂寥漸覺井梧團玉露忽  
驚園柳脆芳條閒居見爾應愁思况是邊關征  
戍遙



小至

仲冬小至氣氤氳雪後川原路始分佳節思親  
倍惆悵野人携酒意殷勤灰心未解迴溫律霜  
鬢仍愁對朔雲抱病懷憂相擁塞雍門吟苦不  
堪聞

次韻奉答東橋

張衡未老賦歸田廝地燒菑理術阡世路風波  
甘息足貧家衣食願逢年窗臨茂樹清陰直門  
對斜川小逕偏愛逐西隣沮溺飲巾車乘醉穩

如船

次韻遊狼山

千古狼山雄此邦臨高真遣夙心降楚天風雨  
東連海吳地煙花北過江巖際驚濤喧客枕竹  
間飛澗灑僧窗因參法界金光滿更禮祇園寶  
樹雙

六月十五日夜大雨病中作

六月望日旱苦久一雨中宵便灑然踈簾小閣  
虛無裏翠篠微風窈窕前靜聽水蛙喧夜枕欣



聞隣叟說秋田稍須涼冷身應健飽飯行歌擊壤篇

田居秋水暴至林莽委翳昏莫能辨偶然

作一首

徑見花繁入暝愁舊溪經眼莽難求青林背水藏蛟室紅蓼緣隄胃客舟近舍尚迷揚子宅臨高始識邵平丘人生身世皆如幻漫詫桃源說幻遊

陪喬侍御自白鹿洞再訪開先寺

鹿洞意已愜龍池渴未消還隨持節使重過濯纓橋涉水涼生襪捫蘿翠染綃行行渾不倦去卽非遙路轉山交股峰迴草沒腰險中頻却馬狹處僅容輶異迹多存古幽期自遠囂石眠聞晉史臺隱記梁昭泉似中天落雲疑萬壑搖南風清泱暖西日下岑寥選勝欣初霽探竒遂詰朝浮嵐頻近眼五老若爲招

自上饒至弋陽舟中禱言

驛路千山裏江門二月天人便春服薄花愛晚



風鮮熒熒波搖月飄飄柳帶煙紫騶驕廣陌黃  
爵收良田坐理殘書角行看古樹顛興來還獨  
酌醉後只高眠健質何妨遠中流不用牽平生  
快意事幾度下灘船

和二泉登石屏望廬山韻  
落日廬山路無緣躡上峰東林何處是煙外但  
聞鐘

滇中懷歸

連巖望不極惟見鳥飛還鄉心落何處日沒禺

同山

渡漢江

鷓鴣鴻鴈繞船飛翠篠青杉照晚暉無限好懷  
消不盡江南風景夢中歸

送劉侍御

巴東涼月夜何其起視明星亦不遲兩岍落梅  
羌笛裏故園今夕是歸期

湘中雜興

春草千里碧沈沈蒼梧雲昏湘水深此中自古



行人怨鴈鵠雙啼斑竹林

石倉十二代詩選 明次集卷之九十 終

...

...

...

...

...

...

...

石倉十二代詩選 明次集卷之九十一

對山集 大明 武功康 海著

後學曹學佺閱

寶穡堂作 日西...

明農謝昌宦良覲羨予征敦義昔所重况此骨

肉情嗣歲節物改朱陽喜開晴感今嘆伊昔發

車臨廣庭所期德音邁永修三徑盟

其二

平生尚超曠結廬武亭川本非青雲姿竟作金



閨怨托交三十載孤抱亦何淵邈觀古昔事彌  
想梁甫篇感此發深省誓以俟餘年

同用昭自華州南郭往西谿作

愛爾草堂靜驅車同討尋南郊更崎嶇春溪多  
綠陰蒲荇漸將徧松竹已成林感慨宿昔意相  
對靜塵心悠悠日西邁渚禽揚妙音卽此興已  
極何必東山岑

問驛使

汝自馬村來汪濊定何許向經袁村西四顧已

如渚河水沒馬腹奔潦幾時住愁都天際雲癡  
癡若膏糈白帝司歛藏底事輒垂矩苟無念此  
人亦當憫禾黍

中夜

倚倚厨東楮得雨卽成響旅人憂思長感之亦  
悽愴滂水不殺湍積潦百穀漲舉室若楚囚展  
轉不成况賓客雖見臨笑語亦趨曠豈無尊俎  
陳薄言那得放

宿渭源思



歷代詩選 明康衡注  
歲序洎中夏予征當雨餘炎溽既不騁清風時  
惠如業業終南山潺潺豐鄠渠雲霞氣綿幕佳  
樹蔭交舒斜日青翠明百志一何攄方啟泐樾  
想忽至田父居展慰出名酒下榻坐前除徘徊  
月東出欲罷復趨趨浩歌遲明發予乃蒞征車  
郭廟答希宋諸公

芳春豈不惜駕言趨華山兒女事如此詎許垂  
老閒感君遠相餞搦杯淚如潛雖有絲竹奏那  
能開苦顏握手重猶豫悵望綠草間節物不相  
待流年逝潺湲

其二

欲行復中止臨駕忽心摧潞西花無數予歸當  
漸開若若有遊思予亦富新醅或擢滯水波或  
眺泝東臺不取竟月醉昔人安在哉

於條山絕頂下驪解梁

升嶠覩羣岫煙雲互明滅直北看解梁但見池  
水冽憶當弱冠時茲川已三閱其南望中條蒼  
翠萬重揭徒動登覽懷未遂討探契繫自殺函



來不謂遽超絕河山傷魏咨欽明想堯烈昌代  
皇化隆遺風尚昭晰耕鑿古未渝勤儉今豈輟  
悠悠興永嘆勗茲在時哲

贈寒泉中尉

澄瑩絕纖縈一泓瀉千里寒月搖輕波山光徹  
波底魚鱗不敢遊虬龍得倚狎轉盼清素心澁  
飲滌凡鄙平生畏炎蒸見之輒中喜願言保真  
寂勿以塵氛浼

贈灤江公

輪車戒晨發循此東南域握手立斯須徘徊意  
安極念子有幽思別言心如織昔爲同生蘭今  
爲特飛翼人生易悲樂良晤前所恤黃塵暗清  
渭對殮安可食嗟嗟君子心遐眺在燕北

其二

關輔比多事欽公能自綏養冠蓋往失弭亂豈  
今訛崇貨狎卑吏飾貌忘遠規公來屏笑色事  
至任安危素衷物莫浼逸駕古所窺雖有麀裘  
謗倏動赤烏悲所以丈夫行不與流俗隨



其三

披叢憇軒下撫卷輒中慚笑我伎微薄無能續  
高驂緬思雄詠侈一發連數函咀嚼味逾雋詠  
嘆誠所耽贈瑤似劉傅酬德悵盧參清風盍將  
遠鄙志揆豈堪那知邂逅際復送旌旆南

其四

公歸只信宿予餞苦淹後耿耿徒憂傷役役定  
誰咎憶昔承明直相企亦已厚公念薄綺紈子  
質等蒲柳雖能慎初服終恐易衰朽樂遊觀五

陵氣候稍非舊嘆息君子陳宵興望南斗

風報飲酒

獨居意靡暢行吟心更傷晨發望原際佳氣鬱  
相望恨無同懷人躍馬陟瞰岡徘徊日忽暮感  
嘆琴屢張山妻出美酒斟酌爲君掌三觴起孤  
抱百憂忽若忘丈夫生世間磊落斯所臧何須  
久鬱鬱自如陌上桑

東原晚歸

斜陽下平林子駕及巖嶂落花夾路飛蒼流復



蕩漾孤往多曠情  
逖覽起高唱入城  
生暝色登堂尚微  
亮兒童喜我歸逍  
遙壽家釀

整籀

三年困人事何會  
理書帙鳥鼠白晝  
遊入門忽首疾架  
閣具傾覆點簡切  
中沐凌晨趣灑掃  
整頓倏終日種類  
既品題編簡復齊  
一不但几案清幸  
靡萬一失焚香坐  
望餘儼然成靜室  
平生風雅情殊以  
乖寒室追惟感嘆  
生端坐還羞慙何  
如谿上翁翩翩獨  
閒逸

於滄西贈別明叔

三月詣茲曲八月  
今始復結轡送君  
歸投壺泛醪醪風  
清懷抱優暑退涼  
氣淑我歌苦不長  
聊以詠幽獨荒徑  
殘草多空堂蛛網  
覆豈無灑掃資紛  
糾在塵俗

泝東眺望

層崖若長函靈異  
特中秘迴合上泝  
岐噴薄下臨渭壤  
沃草木榮氣滋苔  
蘚翠蒼煙縈紫房  
白鷺眠芳遂木杪  
見南山翠嶺若天  
墮時復生白



雲觀之使心伎山居三十年筋力半銷瘁徒羨  
古人遊孰契來日事所以慕良覲冀欲畢微志  
喚妓理瑤琴呼童捧兕觥感歎發浩蕩悠悠起  
吟思後會如可諧謂續城南例

經漆村覽有郃古蹟

我聞昔人言此卽漢漆縣其東有郃城草木殊  
葱蒨終南當面朝清渭過如練直北倚黃山透  
迤控周甸前望松檜場知是何王殿王蹟日以  
微氣色或隱見西南慶善宮鬱當漆村面勝地  
遷變多往躅審彌眩緊自虞夏來百祥具茲奠  
地靈昔所庇諦此竊中羨

十月十日

此日是兒生今年兒已死往昔具酒筵歡慶溢  
閭里素帷當中庭淒風蕩旌軹我淚倏若推兒  
音恍在耳彷彿六旬人何意復丁此莊生逍遙  
篇亦具生死理哀哉橋梓心千古詎能毀含痛  
卧茅茨不知晝移晷

寄王公爵



子本江海人清風冠今昔揮鞭遊宛洛揚帆窺  
楚澤念予山林居慷慨意不索遺我南華篇詎  
羨竟尺璧何時重握手共坐君山石

再浴

凌晨復臨泉浹旦滌豈息玄靈理難測爽遂屢  
堪卽仙源自鴻濛那許后土蝕蕩漾含炎精瀟  
洄白天色游泳愜情性修飾鮮工力尚計輸夏  
租稍具十夫食

崑坡小酌

宿志愛山水竭來尋澗源旭日照蒼翠恍惚遊  
石門激濤齧怒石終日聞雷諠策杖坐崑坡芳  
草如錦墩長嘯振天宇小酌興彌煩醉憇聽樵  
唱悠悠不可言

尹之先畫竹

虛堂挂翠筠玉濤滿壁起知君徹骨清志意特  
欣此典劇湏我題予好亦若爾回視桃李姿穠  
芳胡足齒

自五月朔來偶疾脾肺兩月弗瘳間值栗



喪悲痛呻吟閉戶太息而已七月之望  
偶携舍弟與惠逸人過潁西則韓藍田  
周盤丞同轡見訪因成小詩以志予抱  
無示諸子  
積痛無曠襟殊怨殫遙思徒抱豪放恣竟累兒  
女事造物苦戲人皇穹降垂崇卧病動彌月薰  
心恒似寐初秋歇炎蒸藍輿歷幽邃強顏發短  
歌撫膺滋雙淚感君來問予笑我乏遠致太息  
苟自裁引領忽成醉

邯鄲美人歌

蘭氏小姬名鳳笙邯鄲美人獨擅名等閑一見  
萬金賤何況逍遙翡翠屏精神婉孌性情適自  
恨生身楊柳陌陌上羞看遊冶郎鏡中愁作當  
看碧學得秦箏不肯彈却將針指奏齊紈鴛鴦  
刺就腸先斷掩却銀床獨自嘆

從軍行

烽火西傳虜騎來天王按劍雪山摧將軍裂眦  
奮一戰旌旗蔽日雲氣迴朔風獵獵天山遠層



冰齧石交河斷材官爭取可汗頭諸君肯放明  
王返功成不日詔承明賞賜先推飛騎營驍騰  
俱封二千戶錦衣朱纓義氣橫聲名絳繹傳鄉  
邑甲第崢嶸開上京回頭笑殺魯連子白髮龍  
鍾空一生

雲將軍畫水歌

誰將此水挂堂壁春風微動波濤鳴光明閃爍  
對天日浩蕩不息朝東傾西闔將軍妙齡客英  
武桓桓獨心悅他日龍荒破虜時看爾風雲千

載色

十九日卽事

養雛自恨羽翼短翼長飛去豈思返老鳥目斷  
東南枝白日青天一何遠尾秃唇焦徒自啼啼  
殺老鳥雛詎知願雛養雛還勝雛慎勿齷齪如  
老鳥

有所思

有所思兮乃在天一方徘徊不可見反復令心  
傷秋雨霏霏庭院空思逢君兮君莫逢流蘓羅



帶那復展塔下梧桐生悲風

聽韓景文彈琵琶

關西子弟彈琵琶武氏成名已三世勝死忠老  
傳授稀尚宵已近六十二要妙誓不教女兒精  
微安宵輸同事武功少年韓景文杏撥檀槽酷  
能似然打鉤挑色色精調停布置俱神異大曲  
渾涵小曲媽羣官衆調無窺避始知絕藝本天  
成誰云末技非難致清秋八月賓客來尊俎未  
列管絃開立酌停歌兩三釃此聲一出人盡駭

倉庚微吟柔桑底凍竹乍裂淇園隈遊蜂逐萼  
遠不歇曲嶺回鑿繁更催千山夜落九天雨空  
谷朝驚三月雷悠揚拂掉轉相勝開喝遞互清  
且哀鉄騎橫來長樂坂神女坐對陽雲臺開庭  
翻絮去閃爍絕壑墮石來碕磈曲曲宛轉意態  
別三百四十猶往回憶昔京華公宴日教坊子  
弟紛紛出三院都輪張學彈數年頗會聲音悉  
以此常誇武氏高汝今櫟縱如畫一夜深客醉  
席屢更四座嗟咨未忍行曲終吏奏不知旦戶



外驚聞繁雀鳴

戲介夫

張家酒惡吳酒良使者兩索皆見妨好雨豈知  
主人苦暖泉眼底成瀟湘躍馬欲行還自止不  
憶此行忽如此歌舞雖佳酒不堪安用哢哢聒  
雙耳

青門歌

人生會少離別多握手送君君若何青門芳草  
四瀾瀾蒼渭素滄生愁波今日送君歸何日望

君至憐君磊落人紛華亦何事長亭山色遠近  
開與君酌酒願君醉此去當爲遠別離離愁漠  
漠心如碎楊柳青青知爲誰鳴泉日日摧歸騎  
歌者且勿停行者且暫憇灞陵橋上西日馳朱  
顏那許人恒駐君才特達近所稀許身當作青  
雲器况茲先後被恩私閎閎崎嶇蔑羣貴從來  
將相出名家涔魚轍鮒空相覬願君拂拭星斗  
文莫使塵氛等閑蔽離別雖難兒女情行藏頗  
涉英雄事酒酣長楫各自歸明日相思渺無際



玉女泉

玉女泉西有石室水落龍潭波瀾瀾笑殺東京  
馬仲長駐此何爲忽飄逸平生絳帳縣絲竹數  
十蛾眉列華屋泉頭習習秋風生不見當時環  
珮聲古來大美小難妬愛爾千年文學名

渭南西北疆場村

渭南西北疆場村無數桃花開華門高陵到此  
已卓午滿路風沙愁斷魂去縣尚有三十里僕  
夫嗷嗷默相語地慘天悲行路難豈知主人心

更苦五字先拚數莖鬚千金不及步兵厨太微  
處士興愜尔高風常候城西隅何時身坐少陵  
洞共渠細倒水晶壺

題王秀才牡丹圖

何日到吾家牡丹應著花開圖一見興已發遙  
似當年宴紫霞雕欄不受春風抑綠葉紅粧舞  
風力終日迴旋不肯休根株苦被丹青匿遠路  
遠迥銷客心夢魂惟在草堂陰牡丹牡丹吾語  
汝三月八日始穀雨



閻家渡呂王二君作

美人約我遊湯泉明日同之清渭川日中我抵  
閻家渡不見美人心自憐嘉興太守清狂客肯  
使相逢倉卒還天昏雲暗古道澁思君不來空  
佇立金銜白馬中夜嘶青尊碧碗嗟何及達旦  
不寐芳意衰空庭露下蒼苔濕明星漸低人漸  
喧起來翹首望西原原頭不見車馬下戶外空  
聞鴉鵲繁不高風常動地西門何事見坐心  
更苦王總制維綱凱還歌金不又兵風水

秋風清秋草黃胡馬橫飛矚河梁材官奮擊胡  
馬盡幕下生致月氏王憶昔先皇全盛時六龍  
結駕親出師朔方健兒佩金虎人人思奪胡馬  
騎胡來趲趲其旋如雷萬夫發弩不能一摧豈  
知神武本不殺喜功不至胡爲哉吾聞天子之  
守在四夷爪牙之士皆熊羆朝中但有荆山老  
莫怕邊風疊鼓聲

春暮嘆

今日復春暮芳華能幾時今人不見昔人樂今



人之樂昔豈知崑泉沸沸沼翠微我坐溪頭看  
絮飛輕颺依約杳無定明日相逢安可知去年  
謾作華山客對食不能心自惜此時空作山中  
人閑情人事仍相迫苦憶同袍三四君卽有稀  
聲誰更聞不如殺鷄飲美酒醉時遙望南山雲  
潮陽答太微許西行雷萬夫蔡琴木翁一謝豈  
結廬事場藿徒欲食其力世人那能知謂我謝  
親暱平生無遐思長往將安極種樹森森高插  
天栽花謾喜多穠色苟使徜徉終此身敢向長

天振雙翼諸君義氣如古人訪予幽壑滯芳春  
興豪那憚三百里筆落欲掃千人軍君和紫芝  
曲我草北山文層臺日夕雲霞動嘯弄清波漾  
絲紋盧女當絃歌白紵飛花飄上石榴裙於時  
君醉我起舞空林鶯燕如相語眼底韶華取次  
休人生適意能幾許往者閒遊翰墨場羣公以  
我似班揚雕蟲徒使爲身累安知山林歲月有  
此長我家桑落近所少與君斟酌各千觴安石  
東山已塵蹟後人詎識吾曹狂君不見葛洪苦



慕不死藥從今紅顏坐消爍長生有法遇者難  
不如逢暇先行樂逝水無迴波層魚無縱躍徘  
徊歌汝滄西行却把空鞵笑東郭

寄李宗易

滄西多逸興日日白鷗來種竹忽遮屋看山豈  
用臺有時調舞鶴終夜醉新醅何爲蘇門客招  
邀不可迴

送郭玉西還

病酒動經月君來慰我思青冥日滄雨小閣憶

當時世重梁州舞予嫵子夜詞還家逢女伴不  
可闕蛾眉

答明叔孟獨二子之贈

寂寞揚雲舍春風二妙過新詩題素壁逸興入  
煙蘿杯帶寒潭淺山臨夕照多尚能陪杖屨同  
坐泝東莎

喜仲默至

二月高陵縣逢君癸慶陽十年方邂逅百歲幾  
徜徉詞賦名須久安危望已長青尊今夜月好



醉游西堂

憶牛頭寺

首夏東遊華因過御宿西稍尋幽處覽深入故人栖水竹都堪畫雲煙總合題始知常杜曲尺五逼天齊

對客

絲竹憐吾懶尊罍待汝來片雲霄漢沒叢菊小籬開積雨難相過當歌莫謾迴請看秋草色黃滿建章臺

對月

明日重陽節霜華又一年薄遊慚貰酒高會卽登山明月催歸興新詩待綺筵奚童識吾志先具泛溪船

次張閣夫見過之作

獨好中林隱因家清渭川園開溪盡處山合水西邊曲藝明時棄長歌稚子傳已深踈曠志不是欲遊仙

許西夜歸



暝色暗川原  
藍輿返貞園  
野花迎夕露  
新月照秋軒  
醉覺綸巾岸  
吟憐鳥語喧  
匆匆百年裏  
佳節幾板援

行次灞橋

自笑客行久  
悠悠臨灞川  
感時徒極目  
遣興謾成篇  
氣槩因周勝  
山河入雍偏  
五陵佳處望  
大約漸非前

望鄠

客謝鄠橋道  
逶迤紫閣陰  
雲霞餘夕照  
花柳暗

春林燈火城中出  
星河堊裏沈  
不知王逸少  
何處賞偏深

經暖泉宅

二曲交遊客  
如君信不多  
幾時違笑語  
荒塚已煙蘿  
却堊題詩處  
其如灑淚何  
謾看憂樂事  
千古一蹉跎

梵覺

梵覺蛩吟夕  
看雲雨脚收  
此時真可惜  
昨夜不勝愁  
秉燭看兒女  
呼童貰酒籌  
明年冬十月  
仍



放戴逵舟

渭南逢楊靜修韓秀夫孟望之三君子

詣華情空切相過意已深那知百年裏又此一  
沾襟兒女方粗了存亡忽見尋吾生何日定對  
酒若爲心

臨川寺與鄆令王念覺夜坐

多君省春野逢我遇仙宮共宿臨川寺徘徊及  
夜中絃歌興漢邑恭儉卽邠風更聽憂時論何  
慙砥柱功

栗爲許邀萬柳庄集夜坐率爾有懷

汝向名園去佳遊興若何柳溪湏對月花塢且  
停歌不寐杯空寫微吟思轉多老來心數不徒  
倚立庭柯

靈寶客邸逢慎之

客滯燕臺久春深始到家異鄉驚見汝歸思渺  
無涯但酌弘農酒休言杜曲花我來應首夏知  
剩幾枝斜

靜林寺別張秋官康甫張侍御運夫



已怯春餘熱那堪送我行湖光迴白鷺節候入  
朱明小徑風沙合層臺煙霧橫遙看靜林寺似  
可學無生

微雨獨坐憶德克

雨中無客至獨坐試微吟忽見桃花發不知春  
事深天紅浮綺席佳氣轉芳林明日同沽酒長  
歌眺碧岑

江景

昔經涑湖水今憶武昌遊萬艇雲中下三江天

際流漁歌蓮葉浦鴈度夕陽樓應笑浮名客勞  
勞幾日休

巖洞

巖峒昔年好亭亭嘉樹圍春風惟綠草幽逕帶  
殘暉卜築心逾切遊遨願不違微吟天欲暮幽  
感逐雲飛

直空寺

拂霧尋山寺籃輿上轉輕曉雲生石細旭日映  
崑明梵磬遙空出天花夾路迎何須似摩詰方



是學無生

長安別雲夢侍御

我東遊華山逢子長安陌喜見楊柳青共坐寒  
芳碧桑落出名家斟酌渺今昔道合蔑二難情  
親欲千石夕煙生遠林前旌指玄壁握手難久  
留知君有佳適明年報天子再訂仙掌席

華州張子梅花亭小酌

梅花亭上午陰涼芍藥欄邊春晝長霧鬢雲鬟  
何處女羅衣金鈿坐來香嬌歌欲遣行雲住妙

舞空疑乳燕狂笑殺西溪能愛客滿缸時釀鬱  
金漿

憶昔

憶昔承明侍從朝先皇端拱似神堯家簫鼓  
傳雙闕三殿風雲護九韶劍珮緩歸青瑣夕蠻  
夷通款越裳遙可憐湖上龍飛後人事官曹漸  
寂寥

長安早發懷歆湖

既至長安不見君風流徒頌沈休文誰知兒女



事粗了復有艱虞乘所聞酷暑未憂中道熱涼  
陰空望北山雲可能公子開涓滴謾醉東池到  
夕曛

除夜

歲暮開樽對竹扉煖風吹座亦微微却看稚子  
婆婆態不用常娘嫋娜衣海上靈丹消息近天  
涯朋輩信音稀獨憐彭麓山陰叟濁酒酣歌興  
不違

二月初九日過潁西看牡丹

今日潁西開牡丹攜兒漉酒坐相看穠花自識  
春風好接葉休爲夜雨殘深夜紫泥巢翡翠層  
樓朱檻宿鷓鷯衰容任遣韶華逼幽抱常教醕  
酌寬

西園眺望

五月不來溪上遊溪雲猶自伴溪流雖非給事  
菜萸洪絕勝郎官鸚鵡洲半頃稻花迷浴鷺萬  
株垂柳報新秋何當更挈同心者小酌微吟盡  
日留



試筆

石室棲遲近十年  
 老人虛擬洞中仙  
 平生畏暑非耽寂  
 老去便幽反類禪  
 霜紋小桃猶有箇  
 風翻細草若生煙  
 襟懷落拓原無爲  
 祇愧當時抱甕賢

昔往

昔往何悠悠  
 今來亦矯矯  
 綠樹雲外多  
 紅顏坐中老

題畫

長裾澹容與  
 散步蒼松下  
 不是鹿門人  
 何似棲棲者

葡萄架

綠苞雖未折  
 清陰已堪想  
 徘徊望東山  
 依依明月上

飲酒樂

碧椀金波窈窕歌  
 綠雲紅日醉顏酡  
 西風白石雙巖下  
 比鴈清霜柰夜何

其二



歷代詩選 明唐德潤  
飲酒無多樂亦多  
野花巖鳥意婆娑  
朱纓白馬青蓮蓋  
不及谿田卧綠莎

彭麓山房漫興

黑水波濤萬尺懸  
太行王屋詎能先  
從今杖屨朝朝坐  
坐看青山下紫煙

寄獻吉

炎威赫赫汗如泉  
秦女彈箏乘曙天  
願逐南風作雲雨  
却令涼思到君前

扶風道中

雍原東去徹咸陽  
渭水西來觸太行  
陵谷盡歸明坂籍  
衣冠不見漢文章

其二

夕陽隱隱抱孤村  
知是何王賧馬原  
龍種自隨彤蓋去  
人煙常傍廐門繁

示德克

昨日予從泝上歸  
滿天花柳拂征衣  
却思春色無多許  
好謾相將歷翠微

二月九日同德克一於杏花亭集甥子俱



在

兒女關心有底忙平生幽興動成妨莫教逼近  
茶蘼節春事從頭却許長

寄芝山右長史

芝山風致絕堪憐老我當時望若仙秋暮春分  
盟又改石門空掃薜蘿煙

石倉十二代詩選

明次集卷七十一



